





10  
1833  
17



特  
丁 5  
號 3537  
卷 51

續纂揚州府志卷之七

選舉志

辟薦

進士

舉八

貢生

武科



俞鳴南

江都人 道光元年 薦舉孝廉方正

張宗泰

甘泉人 道光元年 薦舉孝廉方正

全謀

儀徵人 道光元年 薦舉孝廉方正

高鑾

泰州人 道光元年 薦舉孝廉方正

繆玉成

東臺人 道光元年 薦舉孝廉方正

俞立堂

江都人 咸豐元年 薦舉孝廉方正

于曉春

人咸豐元年 薦舉孝廉方正

羅士琳

甘泉人 咸豐元年 薦舉孝廉方正

范凌夔

豐元年 薦舉孝廉方正

阮祚

儀徵人 咸豐元年 薦舉孝廉方正

畢光琦

孝廉方正 薦舉孝廉方正

吳聯元

高郵人 咸豐元年 薦舉孝廉方正

朱宜

正 馮道立

東臺人 咸豐元年 薦舉孝廉方正

郭汝陞

江都人 同治元年 薦舉孝廉方正

潘寶琛

江都人 同治元年 薦舉孝廉方正

宋徵寅

甘泉人 同治元年 薦舉孝廉方正

續纂揚州府志

卷之七

選舉

一



以上辟薦

嘉慶辛未 耿錫嘏 甘泉人 泰州

蔣立鏞 甘泉人

甲戌龍汝 李周南 甘泉人

言榜 賈亮采 高郵人 寶應

丁丑吳其 朱士達 寶應人

榜 已卯陳沆 姜堅 甘泉人 儀徵

庚辰陳繼 唐惇培 江都人 高郵

昌榜 詹汝諧 高郵人

道光壬午 于蔚華 江都人 儀徵

戴蘭芬榜 楊持衡 江都人 儀徵

癸未林召 卞士雲 儀徵人

棠榜 成觀宣 寶應人 泰州

丙戌朱昌 王廣業 泰州人

頤榜 王桂 甘泉人 儀徵

已丑李振 徐雲端 甘泉人 儀徵

鈞榜 王桂 甘泉人 儀徵

高郵人 張集馨 儀徵人

賈允諧

壬辰吳鍾 宋文榜 甘泉人

駿榜 朱憲曾 江都人 儀徵

癸巳汪鳴 程葆 儀徵人

相榜 黃廷範 甘泉人 儀徵

乙未劉繹 汪觀光 甘泉人 儀徵

榜 孫宗禮 江都人 儀徵

丙申林鴻 江健 甘泉人 儀徵

年榜 孫宗禮 江都人 儀徵

戊戌鈕福 晏端書 儀徵人

保榜 董恂 甘泉人 儀徵

庚子李承 厲恩官 儀徵人

霖榜 徐玉豐 甘泉人 高郵

辛丑龍啟 高鴻飛 高郵人

瑞榜 張鴻鼎 江都人 儀徵

甲辰孫毓 汪廷儒 儀徵人

同高郵 劉熙載 與化人

吳駿昌 儀徵人

王壽



乙巳蕭錦 蔣超伯 孫培金 朱柶 陳廣

德興化人 俞雲錦 泰州人

庚戌陸增 謝增 王凱泰 錢桂森

名桂 儀徵人 探花 寶應人 原名敦敏 泰州人

成豐壬子 林溥 吳潮

甘泉人 儀徵人

章翌榜 汪承元 楊贊勳 劉書雲 戈尙志

儀徵人 甘泉人 儀徵人 寶應人

己未孫家 張丙炎

儀徵人 雲南籍 王桐 陳文田 泰州人

同治壬戌 薛斯來 劉熙齡 陳彝

江都人 甘泉人 儀徵人 傳臚

癸亥翁曾 方注 史大立 曹焯 胡隆洵

江都人 江都人 江都人 甘泉人 儀徵人

乙丑崇綺 臧毅 華鍾祥 顧奎 施人鏡

江都人 甘泉人 高郵人 甘泉人 甘泉人

戊辰洪鈞 鄭嵩齡 楊際春

儀徵人 江甯籍 高郵人

辛未梁耀 殷如璋 成占春 王貽清 朱慶

甘泉人 甘泉人 興化人 泰州人

甲戌陸潤 徐兆豐 顧懷壬 陳浩恩 詹嗣

江都人 江都人 江都人 甘泉人



賢儀徵人 時慶萊儀徵人 朱百遂寶應人 朱霈泰州人

以上進士

嘉慶 趙銘盤寶應人 欽賜舉人

案前志漏載今補錄

庚午 唐惇培江都人 進士 劉銘江都人 徐玉采甘泉人 鄭兆杞儀徵人

癸酉 甯籍程紹芸泰州人 陳琥泰州人 施為熊東臺人 張清華江都人 徐玉舉甘泉人 刑部郎中 吳文鎔儀徵人 進士 夏

寶晉高郵人 州知州 任基坤高郵人 王益齋高郵人 欽賜舉人

繆代琦泰州人 欽賜舉人

丙子 史思棠甘泉人 進士 宋文榜甘泉人 進士 卞士雲儀徵人 原名榮賢 進士

吳廷珠儀徵人 順天中式御史 吳榮綺高郵人 王啟方興化人 彭水知縣

戊寅 于蔚華江都人 進士 姜堅甘泉人 進士 張積功儀徵人 清州知州 湯

工瀛寶應人 銅山教諭 劉鋈泰州人 進士 姚典東臺人

己卯 楊持衡江都人 進士 鄧立誠江都人 徐雲誥江都人 黃廷範

甘泉人 江紹悖儀徵人 進士 程紳儀徵人 金堂知縣 張元裳儀徵人

英山教諭 詹汝誠高郵人 任鍾瑜高郵人 談文煥高郵人

人崑山 成觀宣寶應人 進士 王世豐泰州人 山訓導 繆文煥

秦州人

道光 張銘江都人 秦嘯江都人 中式 張金閣甘泉人 王桂甘泉人 進士

辛巳

廣易州府志 卷之七 選舉 四



士汪炳生甘泉人黃盛修儀徵人魏廷瑜儀徵人直隸州知州

張雲藻儀徵人高鑄進士夏為釜高郵人袁青綬興化人

知府解杏芳興化人朱士端寶應人王廣業泰州人

業進士人原名佐

壬午李淦江都人毛瀚甘泉人方震時儀徵人厲秀

芳儀徵人武鄭煥庭儀徵人詹鈞儀徵人張集馨儀徵人

進士天中式朱士廉寶應人劉源崐寶應人徐升堂泰州人

乙酉沈三祝泰州人任鈺泰州人徐廷璋江都人丁元模江都人史丙榮江都人

進士天中式何衍宗江都人王文植甘泉人潘元

貞甘泉人徐雲瑞甘泉人吳鎧儀徵人夏慶保儀徵人

教諭人上元董之醅高郵人賈允諧高郵人成祉寶應人

戊子唐恩壽江都人原名泰順程葆儀徵人原名官堡進士黃

德其儀徵人汪汝成儀徵人張經高郵人程祥整泰州人黃

陟瀛泰州人陳兆鼇泰州人丁楚玉泰州人朱憲曾江都人

辛卯張學易江都人王甲曾江都人洪德本儀徵人解起鼇興化人

州籍進士吳文錫儀徵人順天中尤炳文高郵人鳳

書王留福高郵人原尤炳文高郵人鳳

人袁青雲興化人直隸州知州宮玉華泰州人張家駒泰州人

陳金詔泰州人



壬辰 汪鑄 甘泉人 林樾 甘泉人 曹壬泰 甘泉人 鎮直隸知縣 江健 甘泉人

籍進士 莫兆桂 儀徵人 厲恩官 中式進士 吳駿昌 甘泉人

儀徵人 原名麟壽 高鴻飛 高郵人 戴煦 高郵人 宋道 高郵人

順天中式進士 源 高郵人 吳超 高郵人 詹汝謙 高郵人 袁青箱 興化人

源 高郵人 吳超 高郵人 詹汝謙 高郵人 袁青箱 興化人 劉源 寶應人 吉如楠 泰州人 黃錫慶 甘泉人 欽賜舉人 黃

甲午 孫宗禮 江都人 周彥琛 甘泉人 原名 李宗沆 甘泉人 順天

天中 汪觀光 甘泉人 順天 謝增 儀徵人 探花 注彥樹 儀徵人 順天

乙未 毛夢鵬 江都人 劉倬 江都人 孫培金 甘泉人 原名 金詔 順天 中式進士

汪南金 甘泉人 順天 汪承元 甘泉人 順天 汪和 儀徵人 順天

西知縣 劉寶楠 寶應人 萬德基 泰州人 唐煥章 泰州人

丁酉 蒯勳 江都人 李寅清 江都人 鄱 汪常林 江都人 湯頤 江都人

人 鍾淮 江都人 順天 鮑繼培 江都人 欽縣籍 順天

吳朝棟 甘泉人 董恂 甘泉人 原 喬岷 甘泉人 徐玉豐 甘泉人

人進 張恩培 甘泉人 順天 籍南 林溥 甘泉人 順天

吳文鑄 儀徵人 李佳柏 儀徵人 晏端書 儀徵人 順天 孔

繼黃 高郵人 安 劉金路 寶應人 喬守敬 寶應人 黃梯雲 寶應人

人 泰州 程宇光 泰州人 解元 宛 泰州 高淳 教諭 選舉



己亥

梅植之 江都人 吳中密 江都人 李廷瑞 江都人 徐錫 江都人

涓 江都人 張鴻鼎 江都人 蔣超伯 江都人 趙煜 甘泉人

人 龔慶麟 甘泉人 吳世鈺 甘泉人 鄭彤書 儀徵人

原名杰嘉 顏三錫 寶應人 章驥 泰州人 劉同字 甘泉人

庚子

郭兆奎 江都人 蔣照 甘泉人 徐根 甘泉人 劉同字 甘泉人

人 李汝鈞 甘泉人 汪廷儒 儀徵人 王汝棻 甘泉人

高郵人 朱柘 高郵人 劉潤金 寶應人 盧昉 寶應人 唐

震之 泰州人 朱百行 寶應人 朱百谷 寶應人

癸卯

唐沂 江都人 朱鼎文 江都人 王榮紱 甘泉人

厲雲官 儀徵人 祁廷錄 儀徵人 阮祐 儀徵人

府 魏廷禧 儀徵人 陳時升 高郵人 談人樞 高郵人

李國鈞 高郵人 王壽同 高郵人 吳濤森 寶應人

翹 俞雲錦 泰州人 袁懷仁 泰州人 陳文田 泰州人

士 丁廷表 泰州人 戈尚志 泰州人 王應昌 甘泉人

甲辰

陳錫鼎 江都人 朱榮光 江都人 丁元樞 甘泉人 王應昌 甘泉人

人 阮恩海 儀徵人 陳輅 儀徵人 張丙炎 儀徵人

天籍 阮恩海 儀徵人 鄭恩奎 儀徵人 周兆椿 高郵人

人 吳士藻 高郵人 陳廣德 興化人 趙閣中 興化人 陳

玉臺 興化人 顧驕 興化人 李裕泰 泰州人



丙午

喬勳 江都人 高廷棟 江都人 常沐霖 甘泉人 閔紹程 儀徵人

徐鉉 儀徵人 張鼎鏞 儀徵人 景新 順天中式昌圖同知 王凱泰 儀徵人

寶應人原名敦敏 錢國珍 江都人 順天知縣 徐鎧 儀徵人 吳潮 儀徵人 王恩 順天中式進士

巳酉

錢國珍 江都人 順天知縣 徐鎧 儀徵人 吳潮 儀徵人 王恩 順天中式進士

湛儀徵人 吳蘭芬 順天籍人 景世杰 高郵人 宗伯五 興化人 高錫康 泰州人

州學 史長華 泰州人 錢桂森 泰州人 原名高錫康 泰州人

咸豐辛亥

符葆森 江都人 周光旂 江都人 錢淮 江都人 馬汝楫 江都人 黃

部主 薛斯來 江都人 張清瑞 江都人 方注 江都人 許光甲 江都人

昌輔 江都人 馮長年 江都人 劉惟金 江都人

甘泉人 劉熙齡 甘泉人 原名朱鶴元 甘泉人 史澎 甘泉人

張瑞徵 甘泉人 籍天籍人 陳鞅 儀徵人 王治和 儀徵人 劉

開第 儀徵人 程恩濊 儀徵人 方鼎錄 儀徵人 楊斌 興化人

補道 卞寶第 儀徵人 福建巡撫 陳瑞芝 高郵人

劉書雲 寶應人 崔辰 泰州人

壬子

高承治 江都人 劉昉南 江都人 徐兆英 江都人 陳景

富江都人 李肇壙 甘泉人 孫文泰 甘泉人 曹丙輝 甘泉人

式東昌 齊長庚 甘泉人 順天中式 曹祺 儀徵人 陳葵 儀徵人

臚方鼎銳 儀徵人 溫處道 李江 高郵人 夏子錫 高郵人

陳奏平 高郵人 順天中式 吳鴻藻 高郵人 王學

式陝西同知 吳鴻藻 高郵人 順天知縣 王學

式陝西同知 吳鴻藻 高郵人 順天知縣 王學

式陝西同知 吳鴻藻 高郵人 順天知縣 王學

式陝西同知 吳鴻藻 高郵人 順天知縣 王學

式陝西同知 吳鴻藻 高郵人 順天知縣 王學

式陝西同知 吳鴻藻 高郵人 順天知縣 王學



易興化人 劉蓀 寶應人 順天中 王政敏 寶應人 順天中 儲

樹人 泰州

乙卯 華寅 江都人 順天中 朱葆祺 泰州人 順天中 式

戊午 汪承恩 江都人 順天中 厲祥官 儀徵人 順天中 鄭

己未 嵩齡 儀徵人 江甯籍 王桐 泰州人 原名柱 順天中 式 進士 顧志和

徐廷珍 江都人 汪國鳳 江都人 徐百城 江都人 顧浩恩 甘

江都人 華鍾祥 江都人 順天 顧奎 甘泉人 陳浩恩 甘

士進 黃積慶 儀徵人 吳官熊 儀徵人 洪承煦 儀徵人 卞庶

凝 高郵人 楚 王建中 高郵人 袁養存 興化人 王春旭 興

人 孔廣謨 興化人 趙鴻業 興化人 毛鴻儒 寶應人 王維

辛酉 翰 泰州人 陳篤慶 泰州人 單渭南 泰州人 翟登雲 東臺

史大立 江都人 順天 曹煒 甘泉人 順天 毛桂馨 甘

刑部郎中 張光輝 儀徵人 順天 錢桂楨 泰州人 順天 河

同治 許銘勳 甘泉人 順天 王祿書 甘泉人 順天 中 黃炳勳

王戌 許銘勳 甘泉人 順天 王祿書 甘泉人 順天 中 黃炳勳

甘泉人 順天 胡隆洵 儀徵人 順天 陳文靄 泰州人 順天 中 式 內

甲子 芮曾麟 江都人 臧穀 江都人 朱蔭輝 江都人 趙深培 江

王治文 江都人 王恭壽 江都人 倪恩榮 江都人 郭良得

江都人 丁紹憲 江都人 順天 顧懷王 江都人 順天 中 式 進士



江璧 甘泉人 元進士 孟廷楠 甘泉人 施人鏡 甘泉人 進士 胡文

淵 甘泉人 朱衡 甘泉人 毛鳳虎 甘泉人 臧榮榜 甘泉人 殷如

璋 甘泉人 順天 中式進士 徐福辰 儀徵人 江慶濤 儀徵人 王翔鳳

儀徵人 余文鳳 儀徵人 張寶書 儀徵人 張鳳書 儀徵人 部員外 趙奏

洪德樽 儀徵人 王恩潼 儀徵人 天中式 董壬泰 高郵人 邱逢源 高郵人

言 高郵人 工部郎中 王壽培 高郵人 張聯桂 高郵人 邱逢源 高郵人

人 沈汝謙 高郵人 居喆 高郵人 董邦楨 高郵人 幹順天 原名邦

董對廷 高郵人 順天 中式進士 陸殿鵬 興化人 楊崇恭 興化人 袁

德存 興化人 黃景 興化人 成占春 興化人 進士 鄭康 泰州人 李

寶琛 泰州人 葛澧 泰州人 李沛深 泰州人 王祚傳 東臺人 蔡

則澧 寶應人 欽賜舉人 袁祚隆 江都人 方需森 江都人 李方豫

丁卯 徐兆豐 江都人 進士 李蟠根 甘泉人 朱鳳儀 甘泉人 程廷輝

江都人 順天 中式工部員外 李蟠根 甘泉人 朱鳳儀 甘泉人 程廷輝

甘泉 董錫寬 儀徵人 王卿雲 儀徵人 李長得 儀徵人 許邦

彦 儀徵人 何承霖 儀徵人 吳求貢 儀徵人 汪芬 高郵人 楊際

春 高郵人 進士 姚定山 興化人 黃鍾 興化人 石文燾 興化人 祁

壽麀 寶應人 顏馴 泰州人 解元 王貽清 泰州人 進士 顧履祥 泰州人

人 王貽璋 泰州人 朱霈 泰州人 進士 韓兆庚 泰州人 王會圖

東臺 杜效曾 東臺人 陳寶 東臺人 進士 王桐 東臺人 錢義民

東臺 陸天衢 江都人 欽賜舉人 選舉



庚午 倪曾鎔 江都人 孫桂林 江都人 孫淮 江都人 王金蘭 江都人

梅毓 江都人 趙開第 江都人 范用賓 甘泉人 鄭喬齡 儀徵人

時慶萊 儀徵人 張兆蘭 儀徵人 高蓉鏡 高郵人

人 吳杞林 高郵人 張喬森 高郵人 趙拔 興化人 朱夔 興化人

張恩霖 興化人 顧駮 興化人 袁鼎和 興化人 徐步瀛 興化人

陸桂華 興化人 刁彭齡 寶應人 胡王源 寶應人 昌桂 興化人

森 寶應人 芮鴻儀 寶應人 徐宗暉 寶應人 陳芾 泰州人 李金 寶應人

臺 泰州人 朱慶鏞 泰州人 周應毅 東臺人 袁文杰 東臺人

汪永釗 東臺人 于齊慶 江都人 王肇臨 江都人 高寶昌 江都人 周鳳藻 江都人

人 孫維莖 江都人 陳桂馨 甘泉人 晏振恪 儀徵人 詹嗣賢 儀徵人

儀徵人 嚴玉森 儀徵人 吳同慶 儀徵人 李佩 儀徵人

張寶恩 儀徵人 吳蔭培 儀徵人 王用楨 高郵人 丁

洵 高郵人 楊福臻 高郵人 陳仁壽 高郵人 王用楨 高郵人

崇業 興化人 相璟 寶應人 成肇磨 寶應人 朱百遂 寶應人

黃玉振 泰州人 陳槐林 泰州人 黃葆年 泰州人 仲福謙 泰州人

人 黃羣杰 泰州人 戈靜安 泰州人 游鏜 泰州人

以上舉人

揚州府學

嘉慶 黃兆萱 許翀 副貢 黃理 趙琮 儲步雲 李秉



禮 吳駒 黃鐘 張兆熊 謝成郁 徐龍宮

任基坤拔貢 趙鳳階 沈三祝拔貢

道光 王慶鶴 汪久安 董之醅副貢 徐憶副貢 汪壽昌

朱楹 葛春霆 楊允德 蒯權 王壽同拔貢 常

增拔貢 談元吉 趙同桂 林中桂 王恂 陳晉

元 郭銘 王宗培 韓慶魁 熊兆安拔貢 蒯文

虎拔貢 芮應鵬優貢 顧筠副貢 王濟副貢 沈國瑤 曹丙輝

拔貢 陳文澤拔貢 許春林 夏為勇 楊昌霖 周承

弼 朱希洛 鄒自厚 劉楷 錢煌 朱傳棨

張恩澍 張思錄 鄭之濂

咸豐 袁代坤 陳恩溥 潘鏞 趙瑜 陳文棟 戎

曙光 葛增 趙時澍 董丙元 葉燾 湯瑩

藻 倪健副貢 邱文田 茅杰 高榮林 吳宗冕

曹餘慶拔貢 丁紹憲拔貢 陳堂 宋汝紳

同治 盧銜 俞寶柱 史玉章 姚兆元拔貢 吳引孫拔貢

江都縣

嘉慶 于蔚華 許兆鳳 周振智 顧鑒 郭瑞紅

張時敏欽 梅汝徠副貢 趙鵬程欽

賜副貢

道光 譚文明 王擢 李錦麟 劉開書 郭燧照

選舉



劉樹 周光旂拔貢 方天棊 井讚地 王汝楫

徐倬副貢 丁芳副貢 趙煒 吳晉禧拔貢 芮春 王鑑貢

張金榜賜副貢 欽

咸豐 蒯煦 徐廷珍 史烜久 許寶楠 張聯第副貢

同治 劉超 黨崇勳 張蓉鏡賜副貢 欽 向觀光賜副貢 欽

于宗慶拔貢

甘泉縣

嘉慶 王峻副貢 丁椿副貢 焦汝成賜副貢 欽 姚文光欽賜副貢

俞鳴鹿 徐大魁副貢 孫靖 徐雲煥副貢 周喬齡

薛家楷 趙正文

道光 虞修睦 常春賜副貢 欽 丁華國拔貢 金士英 劉

蔚英 蔣照優貢 王治賜副貢 欽 劉鰲 胡昌齡

顧筠副貢 林文澤 倪連元 查懋馨 孫念曾

李肇墉

咸豐 顧奎優貢 丁國瑞 張行檢 張本 汪召棠 劉

春溥 徐觀光副貢 戴起芬 邱廣生拔貢 王光業

同治 林詔惠 毛昌善優貢 王紹昌優貢 王福申賜副貢 欽 沈

錫璜賜副貢 欽 蔣蕙伯賜副貢 欽 陳葆初 黃贊清拔貢

案揚州府學及江甘二縣咸豐間粵賊陷城冊

籍散亡今惟就采訪所得者錄之



儀徵縣

嘉慶

謝士樗

全椒訓導

陳家璉

張永臻

懷遠訓導

汪禧

國子監典籍

厲同勳

副貢廉州知府

團載仁

沐陽訓導

戴清

吳廷珠

拔貢

張

立祥

戴塏

阮亨

副貢

楊熾

汪棟

程愷

副貢

璋

副貢

道光

劉文淇

優貢

詹鑰

程燠

薛文杰

副貢

何煥

淮安訓導

戈

仁震

汪際昌

徐芝起

拔貢

陳宜授

黃元培

副貢

太湖教諭

張靖

許文聯

張安保

巴富齡

副貢

霍

汪秦

副貢

張本宜

汪廷儒

副貢

卞文楫

余文煥

吳鎮瀛

拔貢

胡敦鑑

江本坤

副貢

團承烈

劉毓松

優貢

潘宗鄭

鄭暄

副貢

張錫瑜

副貢

吳志本

戴錚

咸豐

謝翔鯤

車元春

吳植

拔貢

方毅

副貢

汪滋樹

副貢

吳蔭曾

何燾

副貢

方兆慶

戴堃

陳堡

黃玉

彬

吳蜚聲

黃積昌

李允洵

吳養原

副貢

刑部

主事

徐錚

方觀海

副貢

厲能官

拔貢

程晚

同治

何籤

劉壽曾

副貢

盛長庚

副貢

吳學泰

詹嗣賢

王卿雲

優貢

李嗣昌

張集聲

副貢

吳嵩慶

王鑒

副貢

李振禧

晏崑琦

拔貢

吳學忠

賜副貢

欽

高郵州

嘉慶

王炘

王益齋

夏齊林

拔貢

陸廷燦

陸椿

吳



榮輔副貢 顧鴻 邱鶴齡 陳景暘 沈鈞

道光

宋佑 李廷銳 夏齊林副貢 張經副貢 董之醇副貢 吳

光敏 宋偁 李鈞衡 高鴻飛拔貢 沈國梓 詹

汝謙 楊世治 李應圖 吳西涪 孫應科

張之泗 周敘 宋贄副貢 趙紀堂 高子才拔貢 王

沛然副貢 夏崑林 俞苞 陳時泰 姜肯堂 董

楚材 王棻 李松崖 趙星彩 杜學程副貢 徐

聯奎 賈寅清 陸丙南 吳兆燕 陳奏平拔貢

徐聯科賜副貢 欽 宋寅熙

咸豐

宋瑤 張喬森副貢 王保先 沈國樞

吳若采 王漑 王觀慶 賈鸞 汪成德 印

祉 王澄然 項玉桂拔貢

同治

秦杓 董翰池 王迺疆 宋雲麒副貢 夏子猷優貢

沈蔚然 吳榮芝 黃引年 羅福泰賜副貢 欽 吳

慶鴻 談人標 張子含賜副貢 欽 談人格優貢 王蔡

徐煥元拔貢

興化縣

嘉慶

黃岡 顧日宣 陳笏賜副貢 欽 徐敬敷 薛聯

元 黃巨卿拔貢 黃瞻嶽 解森 鄭芹 劉駒

任槐里 陳禮齊



道光

夏之鼎

賜副貢

欽

宗臨保

孔繼昌

解履鼇

李福祚

拔貢

李仁虎

陳鴻寶

楊清瑞

黃晉卿

袁青藜

姚繼聲

副貢

朱絲

陳瑞儀

李元禧

拔貢

趙閱中

王正方

任熙

林寶璐

副貢

趙桐年

金德輝

邵彥升

袁良

袁愛存

拔貢

安徽直隸知州徐

桂一

袁青管

咸豐

吳涵禮

李福禔

袁青蓮

劉鳳喈

李崇禧

趙華萱

李鐘

鄭國瑗

副貢

姚武寬

清河教諭

徐選

李鴻儒

拔貢

同治

魏湘

耿葆宸

張恩霖

優貢

周樹德

徐則陵

徐敬之

方錫九

賜副貢

欽

王澍森

陳寶琳

副貢

張

翰昭

沈慶齡

任綬雲

拔貢

寶應縣

嘉慶

劉鵬

副貢

馬金門

吳駒

成誠全

劉寶楠

優貢

王

世槐

喬德謙

胥嵩

賜副貢

欽

喬宇

王三

道光

潘桂庭

副貢

張發祥

劉箴

副貢

成紱

喬宇

王三

台

陸聯桂

優貢

劉鞏

拔貢

朱惇

喬守敬

優貢

任琴

泰興

王

縣訓導

吉謙

吉霖慶

郝承恩

朱鼎

副貢

華詣

彭

刁詣恬

盧昉

王啟秀

拔貢

李覲

安徽知府

梁

秉彝

張子才

姜邦彥

副貢

朱百和

副貢

王凱泰

優貢

寶應縣志

卷之七

選舉

七



蔡日復 劉贊勲 陸聯杓 楊德堅 劉葆拔貢

劉蔭優貢 問銓 盧釗銳 房燕喜賜副貢 欽 朱百

咸豐 城賜副貢 欽 朱百梅賜副貢 欽 蔣珩賜副貢 欽

劉玉衡副貢 王德尊 劉晉康 楊漸鴻 吳恭壽

同治 丁希韓 成集成 毛炳南 朱元吉 潘培金

湯品槐 王嘉生 劉蔚副貢 喬嶽 芮鴻儀 潘

蕤之 王成章 湯懋森 朱湛霖拔貢 梁承灝

欽賜 副貢

泰州

嘉慶

吳林蘭副貢 陳瑞芝副貢 宮治華 高銘拔貢 仲耀 張

馨 張家駒副貢 解師兆 李孟英賜副貢 欽 王世

豐副貢 李慶華副貢 葛虎彝 朱珏

道光

孫廷謨 李成蹊 朱成梁 李杜光 程祥芝

優貢 湯治昭 葉鹿鳴 程紉組 丁楚玉副貢 韓訓

唐汝成副貢 仲炯 潘曜三副貢 沈殿春 韓慶魁副貢

許受耆 戈崇禮 陳文田拔貢 朱乘驄 夏蓮

王寶禾副貢 陳蘭芝 康發祥 繆錦舒 吳樹蘭

咸豐 顏鑑澄 沈滌拔貢 顧南江 杜汝楠

張雲峯 丁筠 朱賜章 李柏梁 陸灌森

沈忻 丁式洵 王鶴齡副貢 王朝慶 錢汝駿



葛澐 莫爲霖

同治 夏嘉謨 石梁優貢 費文彪 劉舜年 陳日新

欽賜 王國楨副貢 鄒炳鑄副貢 黃荔 王鋈 章甫

陸英拔貢 袁登庸副貢 李承恩賜副貢

東臺縣

嘉慶 陳烜 周庠副貢 姜廷佐 朱棠副貢 金掌握 唐兆

鳳 姚懋官 孫吉枚 繆毓才 周翀

道光 馮道立 繆玉成 姜畊拔貢 翟榮袞 繆璋 杜

舜齡 徐琳 周南 楊煥邦副貢 杜際亮欽賜副貢

貢 崔蘭谷 詹聯甲 姚禮璜 錢德增 姚應

麒麟 姚涪 孔廣仁

咸豐 葛紹芸 何翔 顧濤 楊驥 朱駮 沈光榮

周必興 王元起拔貢

同治 高勳 孫沅 劉玉珽 陸增炎 夏慶生 周

嘉玉副貢 童景運賜副貢 鮑振鏞拔貢 金壁欽賜副貢

以上貢生

嘉慶 魏天彪甘泉人 侍衛

道光 尹浩儀徵人

乙巳 尹禧儀徵人 守備

同治 朱漆東臺人

辛未

卷之七

選舉

七



以上武進士

嘉慶 儀徵 戊辰 金鼎

案前志漏載今補錄

庚午 甘泉 秦洪 尤金鑣

癸酉 江都 王三捷 徐文 孫萬清 何金標

丙子 江都 田桂 薛國興 朱得英 李桂五

田登仕 魏天彪 陸正綱 錢景春

興化 單錦

戊寅 高郵 胡培 胡培 儲應鑣

道光 甘泉 趙萬全 尹浩 陳益三 朱紫貴

王鎮邦

壬午 興化 劉殿邦 單耕 張琪

乙酉 甘泉 劉長齡 郝榮慶 徐掄元 李定邦

戊子 江都 孫耀清 劉文遇 姜萬青

辛卯 江都 朱贊 高聯元 陸鼇 陳鏡人

壬辰 興化 單桐 李胸生

甲午 江都 秦臻 吳同慶 陳寶璵

乙未 高郵 陳大鵬 顧國恩 王萬鵬 劉道成



丁酉 趙攀元 江都人 吳振岡 興化人 夏寅 泰州人 王致祥 泰州人

己亥 董標 江都人 周覺 江都人 張式紳 儀徵人 周升大 寶應人 南河干

庚子 周長春 江都人 陳萬俊 江都人 陳苞 高郵人 馬奏平 高郵人

癸卯 胡申 高郵人 胡為棟 高郵人 王世熙 寶應人 趙同楨 甘泉人 尹禧 儀徵人 楊

甲辰 朱魁林 江都人 吳瑞堂 江都人

丙午 徐文忠 江都人 陳彪 高郵人

己酉 王月樓 興化人 湯祖培 江都人 周錦標 江都人 陳灝 江都人 戴燿 江都人 張

壬子 朱鴻 江都人 吳晴江 江都人 劉榮 甘泉人 薛成貴 高郵人 吳

登爵 高郵人 郭奏凱 高郵人 孫連鏞 高郵人 夏澐 東臺人 劉

兆壽 東臺人 徐元恭 江都人 徐肇鰲 江都人 徐元信 江都人

同治 朱奎 江都人 徐元恭 江都人 徐肇鰲 江都人 徐元信 江都人

邵承治 甘泉人 宦希祺 甘泉人 宦觀光 甘泉人 張慶雲 甘泉人

汪金樑 儀徵人 劉銘 高郵人 張金鼇 高郵人 王為棟 高郵人

陳鴻采 高郵人 陳亮采 高郵人 夏忠 泰州人 夏兆瑤 東臺人



人朱瀛東臺人

庚午 崔華國江都人 朱聯甲江都人 張彭仁江都人 周文郁江都人

人蔣大鯤儀徵人 孫登鰲儀徵人 吳鴻銓儀徵人 劉金綬

高郵 王壽嘉高郵人 湯鳳標寶應人 陳儀章泰州人 儲治

平 泰州 凌深泰州人 陳殿元泰州人 朱漆東臺人 崔錦

榮東臺人 韓雲標東臺人

癸酉 吳明堂江都人 趙賜瀛甘泉人 張殿琦儀徵人 孫得華儀徵人

人劉虎文高郵人 郝榮邦高郵人 張國泰高郵人 夏湖永

高郵 卞得新高郵人 張長山高郵人 馮之繡泰州人 李家

榮泰州人 唐纘武東臺人 呂澧東臺人 宣杞東臺人 朱沅東臺人

人周洪東臺人

張元愷江都人 許大榮江都人 黃金江都人 瞿彪江都人 俱

萬全江都人 魏天球江都人 唐掄元江都人 唐發元江都人

許長清江都人 蔣殿標江都人 陳占鼇江都人 喬桂林江都人

人韓成江都人 周鸞甘泉人 彭灼甘泉人 劉元慶甘泉人 劉

蘭甘泉人 袁攀桂甘泉人 許三捷甘泉人 周得名甘泉人 季

元大寶應人 劉如同東臺人 趙聯登東臺人 高聯甲東臺人

宣拱辰東臺人

案張元愷以下二十五人科分無考彙錄於此

以上武舉



續纂揚州府志

續纂揚州府志卷之八

宦蹟志

曾燠字賓谷江西南城人乾隆四十六年進士入詞館  
改主事五十八年由員外郎超授兩淮鹽運使精力過  
人五官並用旦接賓客晝理簡牘夕誦文史部分如流  
時四川白蓮教匪猖熾羽書交馳籌餉至數百萬綱鹽  
一年運行增倍正課之充溢商民之富庶罕有盛於斯  
者廣陵爲四方賢達所輻輳公餘燕遊唱和無虛日成  
邦上題襟集又有續集遷湖南按察使進廣東布政使  
貴州巡撫道光二年授兩淮鹽政以五品京卿內召卒



年七十有二著賞雨茅屋文集詩集

見題襟館詩序暨事畧

孫源潮字尹圃安徽宣城人進士乾隆六十年令寶應

下車即以諸生絃誦地謀於邑人士後因喬氏縱權園

舊址構堂三楹顏曰景賢堂畫川書院此其始基也

增新

王逢源字春涯順天宛平人監生嘉慶元年任東臺知

縣精明有斷才嚴賞罰吏胥懼服境有要案扁舟徑往

輒先洞悉情形不容隸役為奸待貧民尤有恩凡遇詞

訟未嘗株連無辜捐廉銀五百兩倡諸紳士建明倫堂

士林誦之六年十一年十二年疊任江都縣事續脩江

都縣志後擢官常鎮通海道

東臺縣志

侯鳳苞字心齋金匱人舉人嘉慶二年官寶應教諭淹

貫羣書工詩古文辭訓迪弟子多方甄陶問字者座常

滿焉在任十八年至今殘膏賸馥沾句來學

增新

顏希源字鑑堂廣東連平州人嘉慶三年知儀徵縣天

性和易接人無厲容民感其惠以縣志八十餘年未脩

恐久而無徵乃與邑人呂彩陳文憲等商酌考訂輯為

續志十卷又捐廉倡脩城隍廟樓臺殿宇煥然一新撰

文為記立碑廟側後呈吏議罷官

儀徵縣續志

巴彥岱字秩然滿洲鑲白旗人嘉慶四年補淮南監掣

同知性和厚無疾言怒色卹商愛民敬禮士大夫公事



務持大體不尚苛察嘗謂吾輩處而居鄉出而在官均不可失讀書人本色公餘惟手一編自怡而已曾歷護鹽運使安詳鎮定事俱就理歷今數十年商懷其德民感其恩

儀徵縣續志

鄭環字清如武進人勤於經史乾隆五十一年舉人大挑二等嘉慶四年選甘泉學訓導樂善不倦常州故有郵發會環欲廣其法於揚方請於大府總督陳大文捐銀檄淮南商生息充費選紳士司其事揚之有郵發會創自環也平居與諸生譚經課藝矜立名節人爭重之著有孔子世家考又廟祀考禮

甘泉縣續志

史炳字恆齋溧陽人乾隆四十二年舉人嘉慶五年任興化教諭端嚴廉潔訓迪有方門下士一材一藝必獎勸而成之司鐸四年丁外艱歸後終於涇縣教諭炳偉風儀幼負雋才沈酣載籍與吳祭酒錫麒戴尙書敦元諸公遊著大戴禮正義杜詩瑣證句儉堂集又通泰西算術及音韻學書法亦精拓落冷官不足展其所學自題學署楹聯曰博士頭銜官百石詩人心事厦千間論者謂炳之品學堪繼宋公實穎云

興化縣志

徐崇炯字西河浙江西安人舉人嘉慶六年任東臺知縣性慈惠簡於用刑獄訟以息十年運河隄決邑被水



災士民感其教踴躍輸數萬金煮粥糶穀以活災黎大吏能之稱爲吏治第一又倡建西溪書院公暇輒爲詩有蓮湖詩草六卷

東臺縣志

額勒布字約齋姓索佳氏滿州正紅旗人嘉慶九年官兩淮鹽政歲節官費數十萬兩又奏增鹽息分半歲溢且二百萬嵯商感之嗣被議入都商人送至王家營獻會子四十萬爲贖額勒布笑曰我前節官費以爲今日地是攬察宋所應有也請增鹽息爲岸猾持若短長耳必不聽者以狀上聞矣尤勤民事嘗禱雨甘泉山步烈日中往返數十里

包世臣安吳四種

伊秉綬字墨卿福建甯化人乾隆五十四年進士嘉慶三年以員外郎典試湖南出守惠州九年守揚州興利除害郡大治起居言笑藹然君子儒鄉前輩雷翠庭先生理學名儒也力守其學嘗欲梓其遺書郡城北三十里北湖有湯家泮羣盜所聚糾合強掠嚴緝獲其魁首羣盜以散縣役聶兆何者詭稱道士率妻子占據東岳廟講經高會誘婦女斂財物爲擒而杖之別招僧奉香火諭愚民不復爲異端惑市井奸猾無端中人曰搭臺民稍有貴者多苦其擾馬甲者其一也先出示諭之馬不悛亟治之郡中唆詐之風息十一年大旱民鬻耕牛



以食乃設廠給粥不假胥吏手牛則估值質以券且招人牧養許來春取贖越年果風雨和民得牛以耕歲大熟民德之十二年丁父憂闕秋水園以奉母卒年六十二揚州士民於三賢祠增祀焉工詩尤善隸書著有留春草堂集公餘嘗遊平山署聯云隔江諸山到此堂下太守之宴與衆賓歡事畧

唐先甲字應三山西陽曲人進士嘉慶十二年令寶應潔己愛民邑水災先甲親至村落給以麩麪竹席有勘災絕句云勘徧西疇復勘東田園邱墓總成空可憐二十三村舍都在洪濤巨浪中去官日士民為位配祀李

公祠寶應縣志

阿克當阿字厚庵滿洲正白旗人官內務府護軍統領兼管三山事務嘉慶十三年任兩淮鹽政肇生之日父已卒二月一叔又先父卒賴母與叔母日事鍼黹撫以成立每憶祿養不逮涕淚交流甘泉徐直生侍御於邵伯鎮勦博愛堂以恤孤嫠阿克當阿捐廉二千兩以助并撰碑記兼述兩太夫人齧檠茹冰之苦莅任則興利除弊引銷課裕淮商賴焉尤嘉惠士林於安定梅花兩書院廣課額增膏火加優獎建孝廉堂以課舉人十三年監刊



欽定全唐文十五年重脩揚州府志士商多德之

博愛堂碑記

屠倬字琴塢浙江錢塘人嘉慶十三年進士十六年由庶常改補儀徵縣甫下車卽捕縛鹽梟蔣先斗等置之法邑有婦鳩其夫倬廉其情訪而按之婦堅不承嚴鞠至數月始吐實四境懾服勸民紡織種桑養蠶並出貲募杭人爲教習性警敏工詞章公餘吟詠不輟在任前後五年循聲大著以明靖南侯黃得功於儀有保障勲脩其墓撰文立碑於方山母墓之側並擬增祀宋真州守苗再成同立廟於北山去任未果道光初元

詔求親民官實有治績者不次擢用僉以倬名上

特旨擢袁州府未赴任旋移九江府皆以疾辭卒年僅四十八

著有是程堂詩文集

儀徵縣續志

王規字菊泉浙江歸安人附生嘉慶二十三年權知泰州明察善聽斷終日坐堂皇決事兩造無不感服州俗好訟動輒構辭相誣陷又有舉債者厚取息不數年而子數十倍於母中貲家往往破產不能償規皆力除之州中設清節堂前官未竟其事規經理有成月捐米十石助之在任三載催科未嘗責一人人皆踴躍後知吳江卒於官

泰州志

陳文述字雲伯浙江錢塘人嘉慶十五年舉人道光元



年知江都縣事工詩文性明敏履任案無留牘聽斷如神民間錄其信讞名陳公案三卷請開伊婁河建彩虹橋濬儀徵運河政皆便民三年江水爲災拯卹甚力尤樂表節義事以維風化建十二烈女祠於府學天后宮旁著有頤道堂文集八卷詩集八卷

新

劉大烈安徽巢縣人道光元年任儀徵縣六年任甘泉縣八年任高郵州爲人外剛方內仁恕每莅官日輒微行私訪宵小聞風斂迹澆俗化爲良善所至興利除弊善政極多士民咸敬服之

新

傅璋字峩山湖北天門人拔貢生道光七年知寶應縣

時糧艘水手在城南械鬪勢甚洶洶璋率兵役往擒數

人重懲之餘衆遂散邑捕役多窮乏璋曰巡緝賊盜必

需健夫饑餓何能勝任因捐廉給之市河湮塞璋親督

挑濬深廣如法在任一年案無留牘

新

王澧字湘浦浙江山陰舉人道光八年任寶應縣平反之案甚多是秋洪湖水漲灌入運河大吏促啟東岸黃浦各閘以資宣洩澧力陳其不可乃止秋收賴以全獲次年升高郵州先是高郵數被水災賑撫極難措手澧請給帑興脩各壩以工代賑俾免流離頌溢中澤上官稔其賢能交章薦之旋擢山東曹州知府最後署甘



肅道澆素明理學熟諳吏治故所莅之地政聲卓著深得民心卒年六十有六

行狀

俞德淵字陶泉甘肅平羅人嘉慶二十二年進士由庶常改江蘇荆溪縣調長洲縣所至有政聲道光八年擢常州府調江甯府是時兩淮鹽法大壞十年冬

小命

尚書王鼎侍郎寶興赴江南與總督陶澍議改舊章時

使臣議罷官商鹽歸場竈科稅陶澍知德淵有心計使

與定議遂奏罷鹽政裁浮費去窩票清竈簽商特舉超

任兩淮鹽運使在任五年變通盡利鹽課以充又以揚

俗華靡力崇儉樸整頓安定梅花書院課日清晨詣講

堂論題論文疊疊不勸前列多掇巍科又持法極嚴有

故家子需次兩淮上官囑與優差德淵曰優差以待有

功某無功不可得曰吾已許之曰以德淵辭可也上官

益賢而薦之未幾卒年五十荆溪長洲江甯及揚州士

民咸請入祀各屬名宦祠

事畧

龔善思字意舫安徽合肥人進士道光十二年知興化

縣性敦厚湛然有純儒氣象勤於聽訟苞苴不入倡捐

建文正書院考棚又於拱極臺中置景賢祠彙祀名宦

之有祠宇而傾圮及應祀而無祠宇者任侍御大椿束

脩著述見重士林善思力請祀鄉賢凡所設施皆有關



名教其去也民思之不置後升海州知州

興化縣志

姚瑩字石甫安徽桐城人嘉慶十三年進士道光十二年揀發江蘇歷署元和諸縣移任淮南監掣同知有變通掘鹽緝私章程及挑儀河章程十二則皆便商便民十五年護理鹽運使時淮南懸引積滯以淮北溢課融銷南引議上制府不憚再三商力以紓十七年再護鹽運使五月旱近海各場蝗蝻蠢動委員協三分司撲捕並請補鹽義倉穀後擢任臺灣道二十年坐事被誣陷逮下詔獄凡十有二日而事白以同知發四川由蓬州牧累遷湖南按察使卒於官工詩古文留心經世學著

東槎紀畧五卷康輶紀行十六卷寸陰叢錄四卷識小

錄八卷東溟文集二十六卷詩集二十卷

事畧

孔傳坤字靜遠山東曲阜人道光十四年任寶應主簿所轄境自劉家堡至界首鎮凡四閘四洞皆以時啟閉利漕溉田兩受其益十九年運河水勢稍落時農田栽插急資灌漑漕督嚴札令盡行堵閉傳坤拒之甚力不為少動比重漕臨境水勢充足銜行無滯上下乃大悅

服歿祀名宦祠

事實冊

李璋煜字方赤山東諸城人進士官部曹道光十八年任揚州府慮事精敏明察而不迫慈和而能斷尤以立



品立學爲亟下車觀風試士會府試取前列之有造者  
教焉常微行求民之疾苦邵伯埭立恤嫠局董事者立  
條約以請卒令舉行并釐剔揚州恤嫠局影射諸弊爲  
民課農桑以敦儉樸力挽侈靡舊習聞士女有節烈行  
亟爲表揚又葺郝忠烈公祠立蕭孝子後訂史忠正公  
附祀之典增祀伊太守於桃花庵之載酒堂皆足頌廉  
懦立興起風俗調江甯知府洵升布政使丁憂去職新  
李龠通字柁香直隸高陽人進士官部曹道光二十三  
年授兩淮鹽運使居官廉慎自持剔弊釐奸紀綱嚴肅  
在任六年始終如一商竈感頌不衰後升浙江按察使

卒祀浙江名宦祠增

王檢心字子涵河南內鄉舉人道光二十二年署興化  
縣遇事明斷吏不能欺積案至數十年檢心未半年清  
之尤加意人才書院考課精嚴所賞拔者於常例外必  
破格資給之檢心生長中州習聞鄉先生湯文正斌耿  
逸庵介所傳緒論每月課諄諄以宋五子書誨人待士  
以禮雖盛暑必整衣冠而坐邑志不修百六十年檢心  
延諸耆儒倡脩開局漸有成緒旋題補儀徵縣每黎明  
坐堂皇訊獄威惠並行盜賊屏迹二十八年江漲縣治  
四門皆水檢心親行泥淖中駕一葉舟徧閱各鄉賑數



核實冬放棉衣布與棉皆新裝鈐以印俾不得私押其  
他治績均有實效縣志亦所纂脩云新

張之杲字東甫浙江錢塘人道光二十三年任泰州廉  
明有政聲泰州地處下游屢遭水患之杲請於大吏於  
州之西北隅濬蚌蜒河築斜鋒港以分水勢嗣後壩水  
下注以流緩不為災二十八年歲大歉之杲請帑賑濟  
又捐廉助賑親往各鄉村逐戶清查災黎全活甚眾咸  
豐三年粵賊陷府城州之奸民掠於鄉之杲擒數人置  
於法境賴以安以積勞卒於官事

桂超萬字丹盟安徽貴池人父以嗣任甘泉儒學超萬

隨侍讀書尊經閣中道光十二年進士二十四年任揚  
州府未逾年政通人和綱紀整飭揚州本舊遊地風俗  
民情洞若觀火下車日坐堂皇聽事發奸摘伏案無滯  
情勸民省衣服飲食遊觀浮費敦務農桑日入則與賓  
客故人講藝論學娓娓不倦二十五年冬調蘇郡升授  
福建汀漳龍道大府薦牘有古循吏風之語引疾歸著  
有必香樓文稿新

左輝春字青峙湖南湘鄉舉人道光二十三年權高郵  
州牧時海氛不靖脩城團練恃以無恐纂葺續增州志  
捐脩州署育嬰堂英烈夫人祠社稷壇傅公隄養濟院



建演武廳刻孫莘老年譜歸諸高郵咸豐三年奉檄來  
邑團勇時賊氛逼近比戶無擾後以知府用卒於常州

新  
增

范鳳諸字雍亭江西南城舉人道光二十四年知高郵  
州在任七年政簡刑清邑志版燬於火謀諸舊族校訂  
而重鏤之鄰境疑獄賴以讞決者甚多後升用河工同  
知退老於高郵臨澤鎮年八十重宴鹿鳴

新  
增

魏源字默深湖南邵陽人道光二十四年進士以知州  
分發江蘇二十九年署興化縣視事三日聞高郵河湖  
盛漲開壩期亟時河員利於開壩已將下江諸壩全閉  
乃星夜詣總督陸建瀛行署擊鼓請飭河廳各員迅開  
運河東岸二十四牖分路宣洩卽開壩亦以處暑爲期  
永著爲令下河七邑獲慶更生源之力也又請大吏培  
築運河西隄費以石工其論黃河全局終歸故道咸豐  
初豐工漫口河竟北行源猶及親見之著書十數種羣  
經皆有發微至

聖武記海國圖志尤經世之大者

新  
增

郭沛霖字雨三湖北蘄水人道光十八年進士授編修  
大考二等游升左贊善文辭博麗兼工書法咸豐三年  
以南河道員署兩淮鹽運使時揚城已陷駐劄泰州以



江運不通鹽無銷路議就場征稅設厰收稅設棧收鹽  
三策恤竈便民沿海得以安集是年淮南大旱提淮北  
協款並倡議鹽屬各官扣捐養廉五成以備撫恤災民  
全活甚衆倡脩泰州學宮尊經閣並捐錢千緡增給胡  
公書院膏火補淮揚道督辦團練仍駐泰州六年揚城  
再陷部勒城守事宜集義勇二萬人營於九里溝張家  
堡聲勢甚壯及郡城克復泰州解嚴沛霖保障之力爲  
多八年綜理揚州善後賊復攻揚州督衆堅守復出城  
迎敵孤軍無援城陷奪職效力安徽軍營協守定遠城  
陷死於難奉

旨開復原官

贈光祿寺卿

年譜

張鳴展字雲衢山西榆次人道光辛卯科解元以知縣  
分發江蘇歷署沛縣江都興化咸豐四年攝高郵州篆  
時郡城再陷遠近戒嚴集州民精壯萬餘人月至校武  
場大閱聲勢聯絡賊不敢窺又值歲旱苦蝗平糶勸分  
其時雖軍徭不絕糗糧供帳悉儲備故軍過無所擾有  
他郡世族女適邑中某氏夫婦反目構訟當堂勸諭撫  
爲已女給鼓吹送歸尤爲父老稱頌云新  
于醕儒字前峯山東平度州人進士咸豐六年知高郵



州時揚郡粵匪猖獗醕儒巡防不懈邑賴以安書院課士勸勵尤倍至人文振起後以知州殉難常州入祀昭

忠祠新

郝植松字曉峯直隸三河人咸豐六年由拔貢知寶應縣事莅任三日瓜洲賊復陷揚城軍勇潰散過境向植松索貸眾洶洶持械挺仗入城居民震懼植松亟邀其隊長理喻之不聽乃抗言曰某新來作令地小民貧力難供給無已可將吾首去無重擾吾民兵眾憚其氣盛率解去時邑中聞警日有遷徙勢不能禁植松乃自淮迎其眷屬鼓吹前導民心乃安其膽識如此新

續纂揚州府志卷之八



續纂揚州府志卷之九

人物志一

王念孫字懷祖號石臞高郵人父安國前志有傳幼隨父入都有神童之目長通音韻訓詁之學乾隆三十年欽賜舉人四十年進士由庶常改工部都水司主事擢御史嘉慶四年抗疏劾大學士和珅特蒙

嘉納是年春

命巡淮安漕秋又巡濟甯漕尋授直隸永定河道水溢去職留辦工程以主事銜奉

旨周視臨清一帶河道條陳事宜多施行改調山東運河道十



五年仍任永定河道會東河督臣與東撫以引黃利運  
異議

召入都決其是非念孫所持議皆

詔許之未幾以年老致仕生平精習水利纂修河源紀略著導  
河議上下篇皆源流洞悉焉道光五年

賞給四品頂戴重宴鹿鳴以子引之官

封光祿大夫生平居鄉樂周卹不惑於二氏年九十卒入

祀濟甯名宦祠本邑鄉賢祠著有廣雅疏證二十三卷

讀書雜誌十種子引之另有傳

州志並采訪

景曾和字協堂號鶴灘高郵人祖長春父元基皆以科

名相承曾和中乾隆二十年順天舉人時以克紹家學

稱之嘉慶六年大挑一等改教職選授滁州學正倡修

崇聖祠以立品殖學訓多士學使按臨皆目爲端人子

翰孫澍瀛辛輔皆庠生

州志

何融字心田山丹徒遷揚爲江都人乾隆三十三年順

天舉人考取中書改授六安州學正主講金臺書院著

有史映經義條辨若干卷子錫溥原名孫錦字文伯乾

隆五十七年順天舉人大挑知縣分發山東歷任德平

昌邑等縣所在有政聲嗣改選繁昌縣訓導著有春鱗

集錫溥子衍宗字中子道光五年順天舉人補繁昌縣



訓導父子相繼時論美之建復金峩書院督修繁邑保  
大圩時江湖甚漲斯圩獨全以卓異保升知縣分發浙  
江歷任永康蘭谿松陽等縣引疾歸卒年八十一著有  
爾雅音義辨明拙存詩文集若干卷家傳  
張暉吉字若臨號夢草儀徵人乾隆三十六年舉人三  
十七年進士以中書充四庫館薈要總校

鈔賜庶吉士奉

優旨各館均照薈要辦理

頒賜諸品珍物尋授編修改補刑部山西司主事授貴州鎮遠  
府時松桃紅苗吳天臣謀逆暉吉在站調撥屯軍堵禦  
松桃旋平續官貴東兵備道米價昂貴苗民姜文深等  
率眾滋事懲治示禁米價乃大減黎平歐桃等阻十二  
峒苗民考幾致激變悉擒治之歷官貴州浙江按察使  
三署貴州布政使其待人推心布誠同館中有江南夫  
子之稱歿後家無長物堆書盈架而已家狀

汪端光字劍潭儀徵人乾隆三十六年順天舉人

南巡召試授國子監學正選授廣西百色同知歷署柳州平樂  
慶遠知府補鎮安府知府民情疾苦屬吏勤惰瞭如指  
掌尋解組歸兩淮鹽政延校

欽定全唐文歷主安定樂儀書院講席夙工詩古文詞爲時流



所推服著有據梧書屋詩鈔十六卷詩餘六卷行世子  
全泰全德另有傳家狀

黃驛字約領興化人乾隆三十六年舉人四十一年

召試二等充

丙廷教習挑發山東任淄川縣振興書院開通山路士民  
戴之補清平令適旱荒力請修城以工代賑窮黎賴生  
活者無算丁憂服闋補甘肅清遠縣旋奉檄調軍營以  
軍功擢平涼鹽茶同知歷任甯夏西甯知府卒於官著  
有約領詩鈔弟駿字有堂乾隆三十四年拔貢歷任江

西上猶德安玉山臨川弋陽清江知縣有政聲

縣志

高鳳翥字象六號果亭泰州人弱冠爲諸生有聲庠序  
屢試不售援例任福建福州府通判支放兵糧力除積  
弊營弁悅服委鞠閩侯兩縣積案秉公聽斷無有吐漏  
未半載案牘一清尋權福州府事奉檄訊閩清同安兩  
縣案申被枉者寃大吏疑爲徇庇鳳翥堅執不移終得  
昭雪致仕家居敦行善事不倦著有三山游草二卷日  
沙園仿陶詩四卷子榮祚字禮耕號松軒官廣東臨高  
縣兩署鶴山縣臨邑多烟瘴民誤食斷腸草輒暴死榮  
祚募樵者盡除其根害遂絕城南石亘數十里石徑崎  
嶇捐廉千緡平之往來稱便民爲立石曰高公道鶴邑



舊無書院前令以同知廢署詳請建立草創未就榮祚  
重加修整廓而大之置腴田以增膏火士林頌德後以  
內擢主事乞養歸奉親二十年邑中凡有善舉皆踴躍  
倡首爲一鄉士大夫之望年六十七卒

州志

吳紹浣字杜村一字秋嵐儀徵人乾隆三十九年舉人  
四十三年進士改庶吉士散館歸班捐補郎中充四庫  
館全書分校蒙上方珍果之

賜丁母憂回籍以廬州濱江州縣鹽引若歸江運路捷費約請  
於全鹽院上其事奉

旨試行舒桐滁來各州縣均照辦服闋以道員簽掣河南兩

權糧鹽道一權河陝道三權彰德府嘉慶十八年賊匪

牛亮臣等攻據滑邑同時竊發多處紹浣晝夜巡守賊  
莫敢犯其屬邑河漫睢甯調赴睢工費節工集委署南  
汝光道時紅鬃匪徒因荒劫掠紹浣緝獲薛鳳儀等多  
名後巡視南陽中途得疾卒年六十九兄紹濬乾隆四  
十年進士官編修先卒

家傳

鄭文明字健堂號雉軒先世由徽遷儀家貧力學乾隆  
三十九年順天舉人五十二年進士官刑部主事洊升  
郎中由坐糧廳出知山東兗州府清介而寬熊方受觀  
祭贈楹聯句云六旬以外無雙健十府之中第一官嘉



慶初年曾隨星使祖之望鞠獄山東案經數十年株連甚夥立剖決之解組後食貧家居淡如也

述略

汪兆宏字文錫甘泉人九歲能文既長博極羣書尤究心濂洛關閩之學中乾隆三十九年舉人五十四年進士以知縣用改就教職選鳳陽府學教授生平不苟言笑父疾劇衣不解帶者九閱月母時近七十朝夕奉侍歿後盡哀盡禮鳳陽向無學田學署久圯捐俸修葺貧無所賴上官欲代謀薪水力辭之引疾歸課徒爲活誘掖後進多所成就卒年八十二道光十年入祀鄉賢子炳生道光元年舉人

述行

吳承緒字芬餘號紹堂儀徵人幼穎悟長而寬大有容鄉里稱其厚德乾隆三十九年順天舉人由內閣中書加捐道員分發河南權歸德府南汝光糧儲鹽法等道興革悉當授江西吉南贛甯道每念

召見時

詔以勿欺因書爲榜帖吉安關稅多隱漏承緒嚴查婉諭胥吏斂迹商情帖然充文闈監試時適有失察事件其處分與在署有間恪遵勿欺

聖訓以

寶陳因解組歸卒年五十一著有求歉齋文集行世子廷珠另有傳孫駿昌道光二十四年進士官翰林院編修早卒

家傳



李晉埈字西林興化人乾隆二十九年舉人充四庫全書館繕籤得八品京職改授亳州學正與諸生談經藝外誨以德行多方引掖勤懇不倦在亳二十六載遷徐州府教授潔已愛士與在亳同尋致仕晉埈性孝友以田宅讓昆弟在官得薄俸大半散給族戚入祀亳州名宦祠詳亳州志縣志

聖駕南巡趨

蹕獻文

賞給中書遷起居注歷官戶部在內閣日久凡大典崇儀鴻章

鉅製多出其手時

禮廟御製日食修德月食修刑論頒賜臣工漣在內閣撰謝

恩摺稱

旨

上曰此非彭元瑞不能嗣彭文勤公面奏此乃江漣所撰以後

凡存著作皆

命撰製同時阿文成蔡文定董文正諸相國皆服膺其品諸引

重其文章位雖未顯而文字上結

主知可云極盛後告歸主講崇川文正書院哀其恭紀文記箴

頌等篇成閣注文鈔四卷卒年七十文鈔序



秦恩復字近光號敦夫江都人鬻子幼穎異克秉父教  
乾隆四十八年舉人五十二年進士改庶常授編修嗣  
丁內艱服闋將入都疽發於背醫治就痊而體弱不支  
由是閉戶養疴構屋東偏築室三楹顏曰五笥仙館藏  
書極富家居幾十載宿疾盡蠲嘉慶十一年入都供職  
逾歲回里明年遊浙阮文達公時撫浙延主講詰經精  
舍十四年兩淮鹽政又延主講樂儀書院二十年復聘  
校棊

欽定全唐文一時名流咸集唱和讌聚稱極盛焉二十二年入

都闕四年仍乞假歸晚年自號涓翁明其志也性喜填  
詞每拈一調參考諸體必求盡善無一曼聲懈字著有  
享帚詞三卷平居收藏書畫法帖洎養銅玉石之類鑑  
別精確勘定古書慎選良工以付剞劂海內爭購曾棊  
列子鬼谷子揚子法言駱賓王集李元賓集呂衡州集  
奉天錄隸韻詞林韻釋諸古本行世卒年八十有四子  
巘字玉笙道光元年順天舉人工詩文善畫知醫晚年  
尤以詞名著有意園酬唱集思秋吟館詞詞繫若干卷  
姪嘉謨字味芸廩膳生

高宗南巡召試

一等以訓導用著有月令粹編

傳略

張宗泰字登封號筠巖甘泉人拔貢生考取一等以知



縣用因父年邁改就教職選天長縣教諭訓士以敦品  
績學爲先境內有水旱災派委查驗務使實惠及民巡  
撫朱文正公將以知縣保用力辭免嘉慶十六年奉父  
諱服闋再選合肥縣教諭農家有貞女就義特請

旌表以勵風化年七十六引疾歸著有周官注疏正誤爾  
雅注疏正誤乙部考日長編俱付梓舊唐書疏正春秋  
左氏傳讀本正誤新唐書天文志疏正竹書紀年校補  
廿二史日食徵唐冬夏兩至攷宋金遼元朔閏考俱藏  
於家天長縣志稿後亦刊成行略

唐仁埴字凝厚號柘田江都人雲南迤西道辰衡子乾

隆四十九年

高廟南巡仁埴以監生與

召試列二等五十一年舉於鄉次年成進士授浙江嵎縣知縣  
調仁和治行稱最丁父艱服闋補江西樂安縣調豐城  
以失察鐫職改教職選全椒教諭嗣以通判投效東河  
署商虞通判時桑家堤馬家坊險工屢出仁埴晝夜築  
護得以無虞署沁黃同知沁水暴漲武陟埵幾被刷仁  
埴率兵夫馳救亦得無決調開封下北河同知復保蘭  
陽十五堡之險尋署開歸陳許道下南廳之黑岡工甚  
危險又睢州決口大工疊舉仁埴總稽出入往來兩壩



閱半年以次合龍

賞加按察使銜署河南按察使以病自請解職卒於家子鑄官

河南通許縣

學經室  
二集

阮元字伯元號雲臺儀徵人乾隆五十一年舉人五十四年進士由翰林院編修大考第一擢少詹厯官內閣學士戶禮兵工等部侍郎山東浙江學政浙江河南江西巡撫漕運兩湖兩廣雲貴總督太子少保體仁閣大學士嘉慶四年道光十二年兩充會試總裁十八年秋

予告回籍

晉加太子太保支食半俸二十六年丙午科重宴鹿鳴

晉加太傅支食全俸二十九年卒年八十六歲

諭賜祭葬

子諡文達生平持躬清慎爲政務崇大體所至必以興學教士爲急在浙江則立詒經精舍在廣東則立學海堂選諸生務實學者肄業其中至今兩省奉爲矩矱其撫浙時安南艇匪肆掠親督水軍禦諸台州僞總兵倫貴利等皆伏誅海盜蔡牽屢擾閩浙奏請以提督李忠毅公總統兩省舟師不分畛域立專注首逆隔斷餘船之法循環攻擊識者謂牽之淹斃於温州黑水洋全得力於此策其撫江西時嚴查保甲破獲朱毛俚謀反鉅案未嘗



控弦發矢銷叛逆於未萌

上嘉其功

恩賞宮保花翎其在雲貴時留鹽課溢額之半協濟邊防騰越廳邊外野人出沒無常甚爲民患乃訪知保山縣境有獠獠熟夷弩箭最精爲野人所憚因籌款招募以資捍衛野人懼獻木刻乞降是時提督曾勤勇公方官雲南副將特薦其堪膺專閫及曾公會勦廣東叛獠力戰先登功居第一中外咸以爲知人而其碩畫遠謀尤在督兩廣時履任之初卽籌緝捕經費俾州縣無畏累諱飾之弊廣西富賀饑集廣東連山陽山多盜以接界之姑漣山爲逋逃藪因調集兩省重兵三路合圍掃其巢穴先後獲會匪劫盜數千內地一律肅清又創建大虎山礮臺以防外洋禁鴉片烟不許帶烟之洋船入口外洋護貨之兵船一視二民人於伶仃山遂封閉其艙不容貿易數月後查厥兇犯始令照舊通商故終其任兵船不敢犯粵歸田俊怡志林泉不與郡縣相接而於地方義舉無不首先倡辦待族黨故舊事事從厚汲引後進尤覺周至至其論學之宗旨在於實事求是自經史小學以及金石詩文鉅細無所不包而尤以發明大義爲主所著性命古訓論語孟子論仁論曾子十篇注推闡



古聖賢訓世之意務在切於日用使人可身體力行在史館時採諸書爲儒林傳合師儒異派而持其平不稍存門戶之見其餘說各經之精義載於研經室集者不可枚舉所編經籍纂詁十三經校勘記傳布海內爲學者所取資疇人傳淮南英靈集鐘鼎款識山左兩浙金石志並爲考古者所重卽隨筆記錄如廣陵詩事小滄浪筆談等書亦皆有關於掌故所刻之書尤多最著者爲十三經註疏

皇清經解督學時士有一藝之長無不獎勵能解經義及古

今體詩者必擢置於詒總裁會試必合校一二三場文策

績學之士多從此出四者謂得士之盛不減於鴻博科主持風會者五十餘年士林尊爲山斗生平以座師大興朱文正公爲模楷故其經術政事與文正相類云子常生字壽昌號小雲幼而孝弟言行不苟嘉慶初

恩旨得

二品廕益以讀書敦品自勵考蔭後分戶部由主事游

升郎中道光元年襄理

寶華峪

吉地前段工程歲事無誤嗣授直隸永平府捐復敬勝

書院膏火灤水河下瀕東海橋橫百餘丈橋毀非舟不濟舟子需索無厭爲商旅害常生出示嚴禁行人稱便旋擢清河道隄岸要隘修築必固署直隸按察使決獄



明允多所平反巡行屬部恆輕騎減從見者不知爲監  
司未幾以疾卒官生平研究經術精鐘鼎大小諸篆  
能嗣家學工楷法尤精擘窠書得柳誠懸筆意所著有  
後漢洛陽宮室圖考及小雲吟館詩鈔福監生官湖北  
宜

府孔厚一品蔭生常生子恩海道光二十四年舉

人南候補直隸州恩洪郡庠生浙江候補知縣恩浩

恩縣志家狀恩喜孔厚子因縣志家狀家俱庠生并採訪

貴徵字伯名號一堂儀徵人家素貧教讀數里外暮必

歸侍工爲文而不喜時藝故十二經左國史漢最熟乾

隆五十一年舉人五十四年進士歷任吏部文選司郎

中石經館校勘官因公謫往伊犁將軍松相國筠延辦

箋奏校勘

欽頒蒙古王公表校出誤刊違例字句特疏保奏奉

旨復職在本部行走遵例加陞道員緣母張年邁告養回籍值

歲災流民蝟集倡捐賑濟乙亥丁母艱哀毀逾恆病遂

不起卒年六十著有安世齋制藝詩詞新疆道里圖表

纂修揚州河渠志家狀

劉台斗字建臨號星槎寶應人台拱弟少而敏悟乾隆

五十一年舉人嘉慶四年進士官工部營繕司主事台



斗傳經學於其兄尤究心於水利凡治河得失漕輸利弊無不洞悉源流通籍後持服家居講求尤確服闋兩江總督鐵保南河總督徐端奏留南河協塞減壩奉

旨以同知

用會黃河南溢入射陽湖眾議有欲因其勢改建新河由射陽入海者台斗作議駁之乃弗果行十二年署江西吳城同知吳城民居多板屋每值火災輒延燒千餘家乃爲設水龍六坊各一坊立役夫二十人以時習激躍轉輸之事又多掘井以便澆汲役夫以外民有擔水者官給以價以是吳城不復火大吏下其法於通省令仿行之在任二年善政最著補瑞州銅鼓營同知以

病乞歸十八年補原官奉檄總運事以勞頓卒台斗未第時卽勇於爲義嘗與邑令孫源潮創建畫川書院修節孝祠戚烈婦祠濬宋涇河以溉民田治城北劉家潭築隄以捍水患在官時則平歛人兄弟二商之訟表前明土人葉景恩死難之烈歸新建主簿某停滯之喪他如拯漂溺置義塚立質劑禁游手具載宗譜及事略

經

室集

黃洙字依宣號澹人甘泉人中乾隆五十三年舉人五十五年進士授內閣中書居京師不樂事權貴歸主如皋雉水書院講席嘉慶初改官知縣歷官山東清平泗



水陽穀肥城章邱諸縣均有惠政大吏重之後官汶上  
縣值白蓮教匪作亂鄰邑皆陷洙獨嬰城固守請援兵  
至城賴以完逾年以勞卒於官著有四書經注考證澹  
人詩文集藏於家

行狀

宮秉鑑字寶塘號鍊江泰州人乾隆五十三年順天舉  
人知廣東連山縣署瓊州府同知瓊州四面巨洋洋盜  
出沒久爲民患秉鑑募民數千人時加訓練教以水戰  
法往來巡哨剿捕殆盡權厓州時昭雪武生某冤厓民  
至今稱之後以解餉四川次雲陽邁疾卒

州志

徐寅亮字直生號雲淙甘泉人少穎異能文乾隆五十  
四年與兄元方同舉京兆試 慶四年成進士授兵部

職方司主事洊升郎中奉差隨視南河西番操守廉潔  
十一年授山東道御史以南河事日棘費日糜凡三上  
封奏其數陳碎石坦坡護隄事尤切時務兄元方字春  
泉官中書同居京師友愛日篤元方引疾歸寅亮嗣亦  
乞假返里向居邵伯鎮北隄埝決力籌堵築暑中往返  
遂以病革卒年五十有五子玉華附貢生玉豐道光十  
八年舉人二十一年進士授編修官至詹事府右贊善  
二十九年順天鄉試同考官

家狀

洪人驊字伯仰號春衢儀徵人乾隆五十四年舉人考



取教習選授廣東仁化知縣廉俸外不苟取旱躡草履  
步禱雨輒應奉檄墾沙田知爲民累緩其議被劾去任  
日民流涕送之尊信朱子忿毛西河四書改錯之謬條  
分辨析皆衷至當作衛道編行世卒年九十二

家傳

楊繩祖字心壺泰州人貢生乾隆五十五年官溧陽縣  
訓導甫蒞任有邑豪與諸生某訟學使者將按部豪陰  
屬客持百金請繩祖具某生劣款繩祖咤曰我做窮秀才  
五十一年不妄取一錢今乃爲若金賣耶生卒得直士  
林感泣嗣以疾乞歸年八十六卒繩祖精三禮之學著  
有禮經彙編儀禮周禮本末說心壺詩鈔若干卷又有

周熾字芝田由貢生官江浦縣教諭有李生觸當事已

申牒褫革矣熾力辨得免人亦稱之

州志

程應鍾字序東泰州人御史盛修孫幼承家學工制藝  
尤精筆札乾隆中以未入流投効安徽補銅陵縣典史  
銅陵故瘠邑又累被水應鍾奉檄散賑有蠹役盜用官  
錢立發其奸其極貧不能待大賑者先捐廉以濟升縣  
丞未赴銓嘉慶十三年以獄有逃犯革任旋緝獲開復  
遂請告歸士民有泣送者子宇光字韜庵廩貢生少聰  
穎勤苦力學累試未售嗣改籍順天道光十七年應京  
兆試遂領解選授溧水縣教諭以疾未赴晚年主講海



門書院益肆力於漢魏六朝之文醫經釋典悉能通貫  
著有因是齋詩文集柏影軒詞集家傳並采訪  
史致儼字容莊號望之江都人少穎異八歲卽考證周  
禮人民物產家貧無書詣學宮讀

欽頌書於尊經閣乾隆四十九年

高廟南巡致儼以廩膳生與

召試五十七年舉人嘉慶四年會試第一改庶吉士散館授編  
修十二年視學四川所拔皆知名士有曾爲致儼戒飭  
者十餘年忽來謁曰吾非師幾爲名教所不容也二十  
年由國子監司業升翰林院侍講轉侍讀進右春坊右  
庶子視學河南河南沿十八年李文成之變羽黨未盡

仁廟諭察視地方盜賊及官屬捕緝事宜致儼以滑縣之亂總

由積習釀成凡地方吏治河工情形小事言之有司大  
者入告無隱平反商邱陳忠錦案上下畏法每疏入

仁廟嘉歎稱爲實心化導正本清源者再累遷左春坊左庶子

翰林院侍講學士轉侍讀學士道光元年典試湖北升  
詹事府少詹事二年升內閣學士五年以刑部右侍郎  
視學福建旋調禮部右侍郎福州試院有地溝運竹筒  
傳遞致儼捐廉修號積弊始清治上杭生員何某械鬪  
獄巡撫咨送考試執不可尋轉禮部左侍郎



賞紫禁城騎馬署兵部左侍郎改倉場侍郎十二年調刑部左侍郎典試順天十三年升都察院左都御史十四年遷禮部尚書再典試順天調工部尚書復調刑部尚書致儼以人命至重侵晨進署坐堂上閱視案件日暮未畢則攜歸陳几上燒雙燭審定遇疑獄與同僚辨難再三或格於例必折衷以歸一是在刑部最久嘗謂刑所以弼教近世吏治不如古者以分刑教爲二也浙江汪宗炎一案論大宗小宗引律據經作說帖數十紙曰倫常者弼教之本也生平讀書實事求是所著有考訂爾雅音義歷代郊祀考榕莊詩文集若干卷道光十八年卒年七十有九

贈太子太保

賜祭葬如例子丙榮字穎生道光五年順天舉人十八年進士卽用安徽知縣歷任桐城建平當塗知縣升亳州知州精習吏事聽斷明允劣生土豪治之不遺餘力在當塗創修江壩及大官圩護濱江民田數十萬頃世利賴之亳州民俗强悍劫掠成風下車兩閱月地棍盜賊皆斂迹杖斃捻首無數以勞卒於官入祀名宦孫大立咸豐十一年順天舉人同治二年進士官兵部車駕司主事

述行



陳師慶字餘亭秦州人乾隆五十七年舉人嘉慶十六年進士選授江西興安知縣調雲南呈貢縣甫下車縣境大水師慶倡捐濬河循故道而疏通之民賴其利冬西村罹回祿者數百家師慶下令用編管法遂免火患兼攝晉甯知州滇中多山田引泉插秧致水不易豪強或爲曲防民訟於官師慶爲定上漏下流法令分時引泉兩造胥服凡鄰封水利之訟歷十餘年不決者至是悉決之道光五年署蒙化知縣蒙化地廣政繁漢夷雜處深峒密箐間素爲盜藪師慶飭各村火其箐設卡巡警盜爲斂迹趙州有劫奪殺人案知州某誣爲蒙化界申於上官上官疏劾師慶推諉勒限緝盜滇有白苧山羣盜窟穴也蒙化人素習強弩家畜獵犬獠男狃女知長官受誣各攜弩犬從師慶往捕逸盜皆獲師慶乃請上官勘地謂人曰爾時若遽請勘地是顧己之考課置民寃於不聞也師慶好吟詠著有滇行草淮陰旅草各一卷鶴樵文集二卷子恩溥字小鶴歲貢生博學工詩尤精於易著有聊免書空集一卷

新採

王引之字伯申號曼卿高郵人念孫子乾隆六十年順天舉人嘉慶四年進士

廷試一甲第三人授編修六年典試貴州八年大考一等



擢侍講尋充

日講起居注官授右春坊右庶子九年典試湖北丁母憂服闋視學河南捐俸購十三經注疏分藏各學中州字音不協選訂詩韻俾士子勤肄焉旋轉左庶子升侍講侍讀學士繼授通政司副使各省題本多有爲奸胥舞弊壓擱者抵任數日廉得一本窮治之弊遂絕十八年由太僕寺卿轉大理寺卿時米禁嚴畿輔歲歉乏食疏請寬禁是秋教匪林清犯

禁門有議修葺

圓明園宮垣者具疏切辨之次年視學山東時值教匪捕

誅之後作闡

訓化愚論見利思害說士民賴以端所嚮任滿遷都察院左副都御史福建布政使李賡芸以龍溪令朱履中誣受賕事維經

上命引之往治廉得賡芸受誣狀抵履中於法獄遂平反事竣擢禮部侍郎典試浙江二十四年充會試總裁遷吏部右侍郎二十五年恭修

仁宗實錄充總裁道光元年再典試浙江兼署刑部左侍郎二年充會試總裁

經筵講官擢工部尚書調禮部尚書丁父憂時念孫年九



十引之年六十七矣執親之喪白衣冠周一歲服闋任原職十四年十一月以疾卒於位

賜祭葬

子諡文簡引之立朝不唯阿不矯激敷陳密勿家人多不及知幼承家學精研古義著經義述聞及經傳釋詞皆稱說父旨而以己意附益之儀徵相國阮元謂恨不起毛鄭孔諸儒與之共證其精博可想見矣子壽昌官廣西按察使彥和任廣西鬱林州值猺獠滋事擒獲巨寇關九興等嗣署慶遠府借補左州兼署南甯府同知補太平府防勦海疆出力

賞戴花翎二十六年補授安徽甯池太廣道因病開缺三十年

捕勦皖省捻匪出力旋募勇赴浙投效未幾以疾終壽

同任湖北漢黃德道殉難武昌傳列忠義志

州志並行狀

程贊清字定甫號靜軒儀徵人嘉慶三年舉人七年進士改庶常授編修十三年典試山東擢御史歷吏科掌印給事中凡所陳奏多稱

旨二十一年授安徽甯池太廣道尋升貴州按察使署藩篆時大姚夷匪滋事徵調黔兵日夜籌餉未幾調赴山西途次奉

旨來京以四品京堂用次年回籍卒年七十六子光裕以三品



得蔭年譜

黃承吉字謙牧號春谷先世由歙縣遷江都弱冠補諸生與同郡焦循李鍾泗江藩以經義文事相切劘時有江焦黃李四友之目嘉慶三年鄉試第一十年成進士補廣西興安縣攝岑溪縣事時有乙爲甲傭種山僻地忽告歸久不至乙妻子控甲因鬪斃乙承吉察甲辭色非殺人者細鞫多次究得乙匿於廣東羅定州欲以詐甲財遣役捕獲之甲寃始白十三年充鄉試同考官偶詣他房閱一落卷謂其文義精奧古茂及薦主司果置解首揭曉爲汪能肅浙西名宿而寄籍粵西者也以過境文書遺失被劾嗣捐升道員因齒就衰遂一意著述研究漢儒之學得其精微通歷算能辨中西異同早歲工詩體物摹景敷事類情尤善於樂府古詞著有讀周官記讀毛詩記若干卷夢陔堂文說十一篇詩集五十卷文集十卷族祖黃生有字詒義府二書承吉加按語以發明聲音訓詁又著經說若干卷

研經堂文集

賈槐字星昉號午亭高郵人進士賈棟弟少穎異有文譽嘉慶二年順天舉人二十二年大挑二等選望江縣訓導望邑處偏隅節孝多湮沒槐至廣諮訪舉三十餘人皆詳請如例俗多溺女者爲刊施愚山戒溺女歌俗



因以革旋歸主珠湖書院講席道光六年邑大水總理捐賑不辭勞瘁卒年七十加大理寺評事銜子秉冲字受人嘉慶十二年舉人允諧字信人道光五年舉人九年進士授吏部文選司主事在部三年胥吏不敢欺道光十一年馬棚灣河決

欽派寶應朱文定公查辦南河事務允諧呈治河要略請修築高郵清水潭險要隄工高郵北門外通湖橋北杭家嘴有萬壽宮隄潰則城北居民無子遺請將西隄坍缺先用碎石堵築東隄幫寬加高嗣後西隄無少潰賴其議也丁憂回籍掌教珠湖書院卒年四十四

州志並

朱士彥字休承號詠齋寶應人幼穎異博涉強記年十五入縣學試輒冠軍嘉慶五年舉人七年進士

殿試一甲第三人授編修歷宮坊講讀學士升少詹事入上書房授惠親王讀二十五年擢內閣學士兼禮部侍郎宣宗登極士彥上孫文定三習一弊疏及宋蘇文忠奏議

優詔納之道光二年遷兵部左右侍郎四年高堰決口條陳河工五事

勅下河吏施行旋升左都御史擢工部尙書十一年查辦南河漫決情形勘被水災區又奉

廷寄審理江安二省各案還奏請改黃河故道議未及行



十三年調吏部尚書丁父艱服闋補原官復奉

命查辦廣東江西浙江各案遂至河南讞獄因條奏倉穀事宜

悉荷

俞允士彥累持使節年逾六十每於已卧復起治事至是奉使  
年餘所歷幾二萬里心力交瘁比還遂病十八年秋卒  
於任年六十八

贈太子太保

諭賜祭葬諡文定士彥性極誠謹立

朝尤著風節凡三總禮闈典試河南歷任湖北浙江安徽

學政居家時邑有興作如勸賑濟修城垣皆出資首倡

並親為程督咸有成功著有詩文各集若干卷子百順

字備之以蔭官光祿寺署正改刑部主事任湖南江藍

理事同知永州理緝同知苗民雜處向多梗化百順嚴

密查拏並准投悔免罪擇苗童之秀異者令人義塾從

師受讀以倫理日用之道雜為歌謠使誦習之緝俗大

革終其任無滋事者署衡州府知府未幾罷歸著有禮

堂隨筆百行官湖北黃州府同知與百谷俱

恩賞舉人百城官四川劍州知州與百梅俱

恩賞副貢百谷官貴州正安州知州百梅官雲南永昌府知府

縣志並  
采訪

廣安州志

卷之九

人物

五



李佳言字謹之號博江興化人晉埈子能詩工楷書弱冠游京師董文恭公招人第奏疏尺牘半出其手乾隆五十八年補繕

御製詩凡二十七册數日而畢

賜屯絹油扇香囊等物嘉慶元年從至熱河恭繕

太上皇聖製古文計字六千有奇時方炎暑晨受

命日未昃進呈

仁廟異之

賜大紗二端五年考充方略館謄錄授福建浦城縣丞會逆匪

朱毛俚滋事閩督汪志伊耳其名檄令巡緝佳言晝夜

于役不辭勞瘁境賴以安大吏方欲荐擢俄丁憂歸著

有真想齋詩稿子福祚字學庵拔貢生幼秉家學文詞

瓌瑋長益泛覽羣書淹洽賅貫主修縣志與同人虛懷

商榷士論翕然後進以疑義質者知無不言輯有學庵

三述蒐討極博實為邑中掌故卒年七十三所著詩文

集各若干卷待梓

縣志並采訪

余溶字焚菴興化人嘉慶初由東河投效議敘授直隸

大名府同知擢知趙州有政聲改授廣東雷州府居官

勤慎猛濟以寬盜匪陳亞興等在洋繹騷溶率兵弁往

勦擒之餘黨悉平逃匪陳顛義亦畏威投順海濱帖然



旋乞病歸後以母老改近知浙江温州府倡修東山中  
山兩書院經畫士子膏火及鄉會試諸費著爲例自出  
重貲聘名師以訓多士文風爲之丕振嘗護溫處道篆  
會哨至海上輒經月不返未幾乞養歸居家孝友敦睦  
日以書史自娛道光六年春遭母喪不半年以毀卒里  
人哀之弟侍龍字冶亭嘉慶十九年權開州牧時乘滑  
縣教匪亂後莅任未半月忽奉大吏檄緝匪黨侍龍心  
知誣陷者多力行保甲互相糾察開釋無辜二百九十  
餘人至今猶尸祝之子廷梁字雲楣分發河南知縣後  
以同知改皖歷任俱有能吏聲家傳並采訪

潘慶齡字餘庭泰州人嘉慶六年舉人家貧力學留心  
水利大學士松筠刑部尙書初彭齡曾採慶齡淮黃濟  
運五議以導河州境之東有斜鋒港蚌蜒河日久淤塞  
慶齡請於有司籌款挑濬以灌民田偶值水災助民賑  
飢尤盡心力二十二年大挑一等以母年邁改就教職  
歷官句容蕭縣祁門教諭

欽賜太常寺博士銜慶齡幼而工詩暮年以經史自娛著有汲

經書屋詩文稿家傳

毛夢蘭字緘齋號秋伯甘泉人嘉慶九年舉人十四年  
進士歷任湖南邵陽沅江武陵湘鄉湘潭知縣其初任



邵陽也年未三十清慎自矢務求實惠及民旋膺卓異  
歷調劇邑興水利課農桑倡建善堂修復昭潭書院聽  
政之暇手不釋卷上官咸推儒吏嗣因案被議遣戍道  
光元年奉

**詔釋回**時年四十主講淮安奎文書院者三十五年因材而教  
歿後門人請祀書院並於學廨附建專祠著有荆花書  
屋詩文集十六卷雜著四卷幽風全詩一卷弟瀚字季  
海道光二年順天舉人考取國子監學正升助教尋授  
四川巴州知州任長甯等縣所至著政聲以母憂去職  
服闋改發陝西歷任乾州隴州甯陝廳西安府同知時  
粵捻交訖江南北暨皖楚各營軍火由陝協濟每奉檄  
督辦籌應無誤保升知府

**賞戴花翎**

以勞瘁卒於官年六十二著有燕臺入蜀秦隴紀游  
草若干卷荆花書屋金石錄四卷家傳

仲振履字臨侯號雲江泰州人嘉慶九年舉人十三年  
進士歷任廣東知縣皆有善政官恩平修金塘橋官興  
甯禁水車疏河道官東莞築虎門礮臺嚴海防官南海  
築桑園基衛農田工費數萬計振履力要於成以興復  
數十百年之利有前令某歿於官遺二女已及笄留滯  
不能歸振履養之如已女經紀其喪歸二女於宦族同



官爲之感涕擢南澳同知以疾告歸卒於家著有作吏

九規虎門攬勝諸稿州志

程寶名字榕門儀徵人嘉慶九年舉人大挑一等以知

縣分發貴州呈請改教補安徽廬江教諭

欽賜太常寺博士銜總督周天爵時守廬江嘗歎其品學兼優

安徽學政沈維鐫亦謂廬江得某教化大易氣習其見

重大吏率類此宋訪

汪全泰字竹海儀徵人端光長子天姿高邁文采豐瞻

爲時推重嘉慶九年與弟全德同中順天舉人援例爲

內閣中書親老告養父疾全泰爲割股丁憂服闋加員

外郎分刑部江西司截取以知府用選授浙江台州府

引

見回本衙門投效東河時中牟大工興舉巡撫鄂容安河督鍾

祥派司總局工保加陞銜因勞成疾不起平昔爲鄉黨

推解囊橐無餘錢著有詩集十六卷詞四卷駢文一卷

狀家

汪全德字竹素儀徵人端光次子嘉慶九年與兄全泰

同榜舉人聯捷成進士由庶吉士改工部都水司主事

升員外郎充工部則例館提調官授江西吉南贛甯道

贛俗素刁悍全德團練兵役獲犯王蠻壘地方肅清又



春水泛漲私梟為患全德於湧金門設卡梟徒知懼道光元年署江西布政使多所興革公餘披閱史鑑尤嗜陸宣公文集及歷代名臣奏議平日孝友敦篤周急濟貧不可勝計著有駢文四卷竹如意齋詩選四卷詩餘一卷條議四卷惜年以四十七終

家狀

賈亮采字惠人號漁村高郵人進士賈棟子嘉慶九年舉人二十二年進士任山西懷仁縣有廉能聲調絳縣擢平定知州廉平率屬公暇集生童勗文行倡捐膏火道光元年充鄉試同考官得士多知名以會勘鄰邑事去官部民不遠千里問遺辭不受歸里後與諸昆弟以

友愛稱卒於家

州志

朱士達字公孚號恕齋寶應人土彥弟嘉慶十二年舉人二十二年進士署安徽黟南陵霍山等縣調懷甯縣每奉發審案件虛心研鞫多所平反升壽州知州壽俗强悍殺人者或以利啗貧人頂兇士達於某甲殺楊姓一案研審二十餘次未決後竟得真兇一邑畏之若神明開濬安豐塘斗門三百餘所溉田六千餘頃至今民賴之以卓異升鳳穎捕盜同知時宿州與徐州屢因開河爭利涉訟士達奉檄查勘於課士時詢老諸生得河故道因請復之兩境悉賴其利爭遂永息大府疏薦士



達有方面才得

旨授鳳陽府知府旋署廬鳳道合肥土棍李容孜凶暴不法士  
達偵知亟馳騎往出不意擒之盡法懲治至是強暴皆  
斂迹鳳陽舊轄衛屬三一泗州一大河一鳳陽賦稅視  
民糧爲重旗丁勾連奸役凡軍籍冊內有與民籍人同  
姓名者卽指爲衛籍簽作旗丁謂之飛軍民不堪其擾  
士達乃發舊冊令所轄州縣各照繕二部一存署一存  
公所自是宿弊盡革調署徽甯池太廣道升廣西左江  
道丁父艱服闋入都授雲南迤東道尋甸楊林河受馬  
龍河之水每盛漲輒溢入民田士達於下流開鑿石龍  
河約七百丈去頑石一百五十餘丈是歲山水暴至賴  
此河爲宣洩又捐廉千金重造橋梁與賓僚作詩以紀  
名曰靈心河旋升四川按察使調陝西按察使不一年  
擢湖北布政使以老疾致仕卒年七十九入祀鄉賢子  
念祖陝西候補直隸州知州署佛坪同知酈州乾州直  
隸州佛坪多山崎嶇險阻念祖捐廉鳩工開鑿山徑六  
十里行旅便之廳設於嘉慶間尙無學校念祖請於大  
府創建士林感頌捐升道員分發四川道卒略行  
汪喜荀原名喜孫字孟慈甘泉人拔貢生中子中歿於  
西湖葛嶺喜荀甫九歲嘉慶十二年舉於鄉援例爲內



閣中書升補戶部山東司員外郎請於管理部務大學士英和奏免河工徵民積欠八十二萬兩江蘇巡撫議以儀徵攔潮閘改駐新城增設羅泗閘喜荀以重徵擾民議駁載入則例時又有議增浙海關稅肩挑步擔一例征收者有議以儀徵商船飭令繞道至瓜洲交稅者皆力止其議丁母憂服闋道光十三年入都奉

旨發往東河學習河督栗毓美深倚重之保奏以知府用二十四年牟工合龍奉

旨賞加道銜二十五年補懷慶知府下車之始日坐堂皇審結積案百數十起河內縣民李百幅調戲李遂姐蓋忿自

縊始則其母受賕匿報既而需索未遂屢控經年喜荀悉心推鞠盡得其情抵李百幅於法李遂姐得

旌典暇輒巡行郊野問民疾苦修葺敷懷書院課士首以經史文風稱盛郡境濟水盛發下游爲沁水頂阻旁趨官道滙注成河每逢大雨溢出爲患喜荀飭將舊河身及四門城濠逐段挑濬濟河遂復故道又引沁流至王曲村分水六道近水七八十里田畝得資灌溉居民立碑頌德名曰新開汪公河二十六年大雨決甸沁丹並漲喜荀率屬竭五晝夜之力加築民隄捍禦無患親赴被水村莊查勘撫慰倍至時河內濟源兩縣飢民搶糧



者眾喜苟命富戶煮粥分賑之由是闔境皆安次年復值大旱喜苟深入太行山步行六十餘里至白龍潭取水歸郡始得大雨遂以積勞病卒喜苟博覽羣籍於文字聲音訓詁多所究心政治沿革得失留心講求爲文皆有關世用著有

**國朝名臣言行錄**經師言行錄尙友記從政錄孤兒編且住庵詩文稿若干卷子保和字綏伯諸生通左氏春秋能傳家學

述行

陳嘉樹字亭玉號仲雲儀徵人嘉慶十二年舉人道光二年傳臚改庶常授編修八年分校順天鄉試十二年揀發廣東知府改授山東濟東泰道十四年鄉試提調山東故多鎗替預使人僞爲求倩者得其穴摘發之奸無所容署按察使及鹽運使時廬州漕艘聚黨滋事嘉樹親往按治得渠魁王文舉等誅之臨清民尤杰刃斃人賄誘鄉愚張廷仕抵罪研鞫得實人稱神明省中督建義倉魏家灣決口數十丈督辦十日而龍合升廣東鹽運使署按察使布政使廣有商埠受梟賄梟得庇橫行鹺政日疲嘉樹詳察重懲銷盜於額又有載鉅資浮海巡兵以劫盜報嘉樹誘詢其幼子知爲閩賈行查得實全活多人洵升山西按察使江西布政使甫抵任而



卒性純厚持躬篤實親故貧乏者輒周恤之子輅道光二十四年舉人韋咸豐六年進士戶部浙江司主事軹附貢生江蘇試用訓導俱見文苑彞同治元年傳臚父子相繼藝林美之官翰林院編修補湖廣道御史行述

鄭鑾字子硯興化人變從孫嘉慶十二年舉人二十二年大挑知縣初任廣東後改河南所至有聲令魯山尤多惠政葺段店嶺行人便之稱鄭公路增置琴臺書院膏火復籌鄉試考費士民感頌歸里後蒔花種竹不與外事而周郵故舊獎掖後進不遺餘力詩古文詞獨闢畦徑尤工書翰寸箋尺楮人爭奔之著嶺海梁園魯山

等集若干卷咸豐三年賊踞郡城憤懣成疾卒年七十

二魯山人附之馳書傳問於琴臺元公祠右立鄭公祠

咸豐九年入祀魯山名宦祠

新採

詹汝諧字南英號緘甫高郵人肯堂次子嘉慶十三年舉人二十五年進士授刑部主事按獄多平反監督漕倉歷陳管見十則當事行其說之七後任坐糧廳歷來科派陋規盡行裁汰卒年四十四著有文梓書屋經訓四書參注四書大注後注合注駁案新例恭紀兄汝誠字孚吉號誠齋嘉慶二十四年舉人任礪山訓導著有

四書語錄拾遺苦吟集

州志



唐惇培字允元號補卿江都人嘉慶十五年舉人二十年進士由庶常改官戶部補廣西司主事道光十年因公鑄級十三年捐復原官仍補戶部主事十八年充會試同考官尋補雲南道御史巡視南城選授雲南大理府知府在任年久政聲卓著以軍功加道銜咸豐八年逆回犯境督辦防勦不遺餘力因勞成疾卒於官子恩壽道光八年順天舉人官奉天金州同知

行狀

劉銘字箴山甘泉人嘉慶十五年舉人選江陰縣訓導在任二十餘年樂引後進寒畯多所成就世居邵伯值洪湖水溢大令委監築馬家圩隄二自備資斧晝夜罔

懈工賴以成著有日新樓詩集子倬道光十五年舉人選六合縣訓導值粵寇猝至督率巡防不遺餘力以勞卒於官曷南咸豐二年舉人

行狀

陳曉字繡堂泰州人副貢生嘉慶十五年舉人性孝友推財於弟教授生徒以自給大挑授礪山縣教諭告養不赴服闋改安東縣訓導諸生有爲富室所訟者察其枉白於學使得免黜士林頌焉泰邑斜豐港建議興築功賴以成晚年益治經義於易春秋尤邃易宗漢學謂宋儒之講義理源出漢儒撰易貫四十卷卒年七十有六子文田咸豐十年進士刑部主事文澤拔貢生文霖



同治元年舉人內閣中書狀行

厲同勳字冠卿號茶心儀徵人素耽吟詠早歲工詩嘉慶十五年順天鄉試副貢任兵部武選司郎中監督通州坐糧廳稽覈精嚴弊端悉絕旋授廣東廉州府未逾年合浦珠還僉曰清廉所致守廉三年皆大熟蝗不入境郡有海門書院課士極勤文風丕變三十年來無登科者得公教而是科獲售者二城頽圯失修捐俸倡辦不數月而工成屬吏饋獻一無所受嗣以墨議去任歸不能具舟車淹留者十閱月賴寅僚助裝始歸晚年惟以詩自遣著有借花小室詩鈔和陶百詩斷梗吟栖霞集幸存稿衡游草諸集子雲官道光二十三年舉人官

湖北布政使狀行

吳文鎔字甄甫儀徵人嘉慶十八年舉人二十四年進士改庶吉士授編修道光二年典試山西八年典試湖北視學河南十二年分校順天鄉試十三年分校禮闈洵升左右贊善翰林院講讀學士十四年視學順天十六年升詹事府詹事擢內閣學士十七年署禮部左侍郎補禮部右侍郎兼署刑部右侍郎十八年充會試總裁調刑部左右侍郎兼署戶部左侍郎十月

命偕吏部尚書湯金釗馳往安徽浙江江蘇等省查辦事件復



順道查勘南河修理惠濟福興兩閘工程十九年授福建巡撫兩署閩浙總督時內洋不靖在任籌備海防並揀選水師將領二十一年正月密陳廈門通市之害

上躉之五月入

觀調江西巡撫二十三年奏請以宋臣文天祥從祀文廟在何基之次得

旨允行六月調浙江巡撫九月奏浙江各廳州縣紛紛調署以致交代之案愈壓愈多應飭勒回本缺其不堪回任者卽行揭參二十九年杭嘉湖紹嚴等府積雨累月夏潦爲災以懼干天變奏懇罷職奉

諭申飭革去頂戴留任十一月奏親赴嘉湖一帶災區查察賑務三十年五月海塘石工以潦盛潮漲決口六十餘丈親往督飭堵築工次失足落水幾瀕於危自請治罪部議革職留任嗣於六月各工堵合

恩予開復八月大雨兩晝夜石塘復續塌十餘丈十月次第修復奉

諭賞還頂戴十一月升雲貴總督咸豐元年抵任後疏言前

陛辭時蒙我  
皇上諄誨提撕知臣之待人以誠而勗臣以察僞鑒臣之任事稍急而誠臣以愛身此臣所凜切書紳時加儆省者也



二年兼署雲南巡撫十一月調閩浙總督未卽赴任先是雲南鎮康土司所屬之土舍刀大刀六等挾嫌報復攻奪灣甸土司景慶久耿戛土署並分擾猛簡地方飛飭文武員弁攻復耿戛土署匪衆猶踞猛簡負嶠三年正月晝夜環攻克之五月以倡捐軍餉

**賞戴花翎**

六月湯丹廠回匪馬二花等糾衆竄擾烏龍寨魯冲回寨並勾結八甲各寨抗拒官兵爰檄調雲南昭通貴州威甯等鎮弁兵馳勦出省親駐尋甸州督辦該匪一律殄平八月調湖廣總督甫抵任適下游田鎮水陸各營失利省垣戒嚴巡撫崇綸決計出城紮營文鎔以城存與存誓當死守待援與議不合至是兩月以來日坐保安門城樓爲堅守計並督催各路水陸官兵救應再圖進勦而崇綸奏劾文鎔閉城坐守文鎔亦復奏城守待援情形遂遵

**諭出師勦辦**

四年正月督師抵黃岡縣堵城地方賊分股抗拒都司劉富成當先衝陣手刃數賊兵勇繼之殪百餘名賊少卻尋又兩次撲營我兵由山梁壓下疊有斬擒旋以賊衆麇至營燬兵潰文鎔於雪泥中北向九叩首痛哭大呼曰無以仰對

**聖朝乃自投塘水死之事**



聞

賜祭葬加太子少保

子諡文節入祀京師昭忠祠浙江杭州名宦祠

賞騎都尉兼一雲騎尉世職襲完以恩騎尉世襲罔替子養原

字思澄咸豐九年副貢以二品廕生補刑部雲南司主事承襲世職在部勤於職事退不廢書手錄史漢通鑑至數萬言條析疑義多所發明所著有東周宮詞性不諧俗而見客則恂恂自若值父死難遠走湖湘數千里奔喪歸葬時浙中官紳懷文節公舊德為位於西湖招提浙撫黃宗漢為主率眾哭奠凡數千人聞養原奉喪

歸思得一見以書招往憐其貧僉曰文節公撫浙時尙有鹽關津貼銀四千兩儲存藩庫是可取也養原悚然起立曰先公所未取而已取之是敗先公節而動於利也卒不受其持行廉介類如是年甫四十卒於京師以

弟廩生丙湘承襲世職

傳略並家狀

徐玉舉字青霞甘泉人嘉慶十八年舉人任刑部河南司員外郎升奉天司郎中官刑曹凡十七年遇疑獄未嘗刑求即應答者猶惻然曰何不自愛至此同官暨吏胥每稱為菩薩人也至案稍可議又必虛懷辨難不隨眾論轉移因足疾乞假歸主講廣陵書院里居八年卒



年七十有七玉舉夙工制藝海內號名師者多傾心折服其居京師四方從遊者眾捷科第以百計著有雲川閣時文七卷試律一卷茗香齋吟草一卷雲川閣隨筆六卷刑部彙案稿若干卷子根道光二十年舉人

述行

夏寶晉字玉延高郵人嘉慶十八年舉人歷任山西和順甯鄉縣署代州升授朔州知州道光十二年十七年兩充鄉試同考官賦性孤介所在以清廉名奉諱歸里後宦橐蕭然主崇川紫琅講席晚年偕里中老友詩詞贈答為真率會著有山右金石志冬生草堂文錄仕國茲歌錄遂椽詞琴隱詞湖中明月詞卒年七十

宋

任基坤字直方號紫筠高郵人少孤力學嘉慶十八年拔貢旋領鄉薦大挑二等選授英山教諭接見諸生藹若家人峻拒其非義相干者卒於官囊橐蕭然賴縣令某資助得歸

州志

萬宗洛字師程號雪門儀徵人以附監生官陝西沔縣典史道光六年回疆用兵調赴肅州及喀什噶爾隨參贊大臣辦事保升安徽涇縣知縣因迴避調江西崇仁縣攝宜黃縣權建昌府通判調信豐縣所至有政聲在崇仁則勸修黃橋設義渡義倉在宜黃則賑常平倉穀賑災至信豐則經理清屯全案民困頓甦引退後置家



祠設祭田宗族稱之又李恩綸字掌卿儀徵人由附貢生捐納知縣道光八年補山西大同府山陰縣歷署岢嵐文水岳陽陽高虞鄉渾源等州縣十五年署浮山縣均著循聲是年趙城教匪滋事恩綸於未奉札前已擒頭目數人保舉以知州用補應州知州卒於官縣志  
卞士雲字光河號竹辰儀徵人少孤貧父銘卒時年甫十一母陳以畚工給脩脯會歲歉天寒因祝於庭前榴樹下曰天若祐吾兒讀書成立樹便隆冬著花未逾日果發花一枝母益勉之由是刻苦勵學中嘉慶二十一年舉人道光三年進士改庶吉士授編修補山東道監察御史掌京畿道八年十二年典試楚蜀十二年分校禮闈會清查兩淮鹽務制府議改舊章鹽艘直達長江不復由儀徵捆掣既滋流弊並絕儀邑生機上疏痛陳其害前議遂寢又兩淮各場船販私蔓延各岸阻滯額銷兼擾沿江商旅復奏請

飭下嚴禁河道以清厯知安慶鳳陽甯國等府升廣西右江道湖北按察使所至政績丕著

陛見日

面諭曰汝任御史時卽知汝材幹明練做京官好做外官亦好到任不數月署布政使時天主教匪牛八銅船水手黃



和尚等案冤累無辜悉予開釋升湖南布政使嗣丁內艱值二十一年海疆不靖服尙未闋奉

**旨總理**

浙江糧臺旋署浙江巡撫羽檄交馳軍事繁劇以致積勞成疾方鎮江告警時有代慮揚州眷屬者曰吾以身許

**國身且不顧何有妻孥**

補浙江布政使未幾卒於官年五十有六平生居官勤慎同官有

**陞見者**

**上諭曰**卞士雲才具操守朕所素知爾等當效法之著有退思

齋詩集省齋試帖偶存子寶書官直隸滄州知州滄州

回民雜處俗好剽劫寶書下車後捕獲著名積匪盜風

以戢咸豐八年鄰邑歲旱飛蝗入滄境不傷禾稼民咸

以為政治所感尋權順天府治中兩署通永道發奸摘

伏吏不敢欺以道員罷歸卒寶第咸豐元年舉人官福

建巡撫 家

吳廷珠字合浦號桂巖儀徵人承緒季子嘉慶十八年

拔貢二十一年順天舉人援例為內閣中書升侍讀道

光十九年京察奉

**旨以道府**

用尋補河南道監察御史所陳悉持大體嘗曰壞人功名為已功名地斷不可為



欽派稽

查緞正庫出入必謹平時愛啟後進撫姪如子性素澹約居場郡時有以重金聘襄嵯務者毅然不就年六十以足疾引退著有蘭馨堂詩文子寅壽道光十七年拔貢朋壽邑庠生

家狀

于蔚華字萼樓江都人早孤伯父濂撫育有成事母至孝幼穎異由歲貢中嘉慶二十三年舉人道光二年進士任四川秀山縣知縣值湖南江華縣趙金隴亂調川兵協剿秀山距江華徑百里耳乃密遣役偵候並設伏險要賊不敢犯五月山水陡發城垣傾塌田禾浸沒米穀騰貴未及詳請先行捐廉修城平糶補種上官深嘉之將保薦旋以疾終歷署南部石碇知縣皆有聲著周易纂注十二卷鶴皋草堂文集十卷深柳書堂詩集八卷退思堂詩四卷石碇從政餘譚一卷牖志錄四卷行略江紹愷字飲吉號頤軒儀徵人家極貧課徒外不問他事嘉慶二十四年舉人道光三年進士任刑部陝西司主事軍機章京洊升郎中二十四年授湖北安襄鄖荆道地有鹿門書院捐廉添給優獎親爲講貫每歲親赴鄖陽府屬審辦秋錄尤爲慎重官莊爲私梟藪捐廉設卡添兵嚴查引額暢銷漢岸例費概行屏絕居官不異寒素歿之前夕猶判行公牘數十件惜甫五十而卒

家狀



黃廷範字文楷甘泉人嘉慶二十四年舉人道光十五年進士歷任山西平遙曲沃臨縣所至有循聲其令臨縣也有冤獄未決將解任紳耆裴文經等率五百人不遠八百里赴省請留案內要犯聞之出而自首其接人公感人誠有如此採訪

王世豐字沂中泰州人順義知縣三祝孫生有異稟早歲食廩援例得訓導署江甯府學教授時方榮升逆案大吏檄府縣暨世豐籍其家得習教名冊訊之乃榮升欲張大其事實則俱未從逆也立焚其冊同官某侵用廩糧諸生訴於學使將收其孥世豐代償之再任通州

學正有訐告陰私者世豐以事關名節反覆開諭訟者立燔其牒嗣中嘉慶二十三年副貢二十四年舉人挑選金山縣學訓導明季金山兵禍尤烈世豐舉未經表章者建祠以祀又別祀陳際泰焦袁熹暇則與諸生講學其中多士感焉居家見義必爲泰州舊有鹽壩有司謀廢之世豐力阻之乃止他如修試院立義塾及遺愛祠節孝祠皆倡舉之著有兩廡先賢考略毛詩集解若干卷道光十九年入祀鄉賢祠子廣業道光三年進士官福建漳州府孫貽清同治十年進士官翰林院編修

家傳



高垂慶字麓庵泰州人善書工詩畫官安徽滁州壽州知州補廣德州均以賢能著道光十一年再官壽州值歲飢力籌賑恤境無流亾民咸感之子維翰官直隸清河縣知縣值歲歉請發倉穀煮粥賑之遠近咸來就食鹽梟滋事維翰募勇緝獲渠魁五人置之法自是鹽梟不入境同治二年署冀州知州擒匪首王洛月弟兄脅從者百餘村概免治以功

賞戴花翎

於官采訪

王世履字素亭泰州諸生援例為運副分發兩浙道光九年署台州府通判代理知府十年署温州府同知十一年補台州府通判時有武弁余景清帶兵緝私為私梟拒傷世履懸賞勒緝重治其罪是年冬查勘武康災區倡捐先散小賑民困以蘇十二年奉檄赴常鎮兩府會查沿江漏私要隘世履議於澡港德勝孟瀆三河之中酌閉其一以杜私販大吏避之十五年調紹興府南塘通判南塘素多水患郭外舊有三江大塘為二十八洞水總匯之區歲久失修世履倡議復之民賴其利十七年署乍浦同知以疾告歸卒於家行述

王桂字秋卿甘泉人

道光元年舉人

九年進士

改吏部

人物



文選司主事考充軍機章京洊升郎中掌京畿道御史  
 十九年典試湖北二十三年典試貴州京察外用任直  
 隸廣平府治績稱最因病致仕著有玉笙樓文集試帖  
 子榮紱字小秋道光二十三年舉人官直隸蔚州知州  
 捐升候補道先卒著有袁文箋正補註孫祿書同治元  
 年舉人工部主事新采  
 張雲藻字勤庵儀徵人道光元年舉人十五年進士改  
 庶常授編修十七年典試雲南二十一年分校禮闈補  
 湖南道御史掌京畿道稽查大通橋剝運漕糧嚴懲花  
 戶諸弊悉絕京察外用任直隸霸昌道升安徽按察使  
 廣西布政使遇事敢為不避嫌怨以左臂病痺告歸卒

於家傳畧

袁青綬字漢綸號西臺興化人祖文燿父培並有傳青  
 綬性孝友道光元年舉人以謄錄議敘知縣咸豐二年  
 任湖南華容縣華邑居洞庭下游歲有水患青綬修利  
 隄防時粵匪下竄華容戒嚴青綬集團日夜巡防得以  
 安堵有邪民倡為茹素免劫之說並有巨匪丁魁生句  
 通徒黨幾陷華邑青綬密捕之調署瀏陽縣瀏邑匪徒  
 通粵逆倡亂甫經大吏剿辦反側未安青綬聯保甲嚴  
 搜捕分營扼守擇民之強壯者為團勇且測知逆計詭



謫諭民以十二月二十五日行賀歲禮至除夕元日鎮  
靜如常先後遇賊凡八戰皆捷他如請增學額整理書  
院保嬰局捕蝗孽皆深洽輿情以功補武岡州知州尋  
升澧州直隸州復攝武岡州事適粵逆石達開由粵西  
傾巢再出復犯武岡青綬督率士卒申固封守相持五  
十餘日粵逆以無懈可乘始疾驅入川旋擢寶慶知府  
晉道銜寶郡地多山僻齋會匪徒屢懲不悛青綬措理  
得宜弋獲無算尋以乞假歸里逾年病歿著述甚多見  
藝文書目子愛存道光二十九年拔貢官安徽直隸州  
行

厲秀芳字實夫號惕齋儀徵人少失恃事繼母黃以孝  
聞友愛諸弟道光二年舉人三年挑取膳錄就職知縣  
選山東武城縣武城俗悍健訟士人某爲訟證諭之曰  
若向以公見揖客也今跪而就質勝且玷况負耶士人  
大慚求罷訟訟風寢息每縣試前一日考童肩桌橈至  
署試畢仍肩去秀芳爲置桌橈百錄獄囚憫其苦冬給  
綿夏施簞城近衛河河兩岸皆沙土水漲易卸乃命居  
民植柳柳成隄固縣志及書院邑廟次第修葺邑有秋  
胡妻墓荒廢爲墟爲植碑以表之道光甲辰年分校鄉  
闈得士稱最官武城凡八載特保卓異調首縣會繼母



黃病劇力辭去官咸豐三年粵匪之亂在籍倡捐興辦團練卒年七十四著有夢談隨錄二卷真州竹枝詞二卷子寅官增生員外郎銜工部主事孫岢青廩生略傳徐雲瑞字書祥號曉村甘泉人道光五年順天舉人九年進士改庶常授編修兩充會試同考官十四年典試湖南湘鄉相國曾文正公出其門京察外用任直隸永平府著有政聲年五十七卒於官兄雲誥嘉慶二十四年舉人弟雲煥副貢生皆工制藝後進知名之士多出

其門行狀

吳文錫號蓮芬儀徵人文鎔弟道光十一年順天舉人

考取國子監學正升助教選授四川成都府水利同知獲盜引

見升知府歷署嘉定敘州成都府知府升道員

賞戴花翎兩署四川通省鹽茶道因病回籍奏派隨辦江北團

練

賞加按察使銜守敘州府時大吏議於州境開採銀礦文錫以爲利不可知禍有必至力陳不可其事遂寢署鹽茶道時復議以改鑄鈔錢給散兵餉文錫謂不利於兵勢必擾累閭閻行之徒滋流弊乃止咸豐六年三月調撥川兵赴楚署督某未發坐餉兵弁聚集數萬滋鬧閤城百



姓驚懼文錫聞警卽往剴切開導並請於大吏先就道  
 庫籌發坐餉彈壓過境人心始安歸里後以書史自娛  
 著有半螺庵詩存卒年七十二節  
 厲恩官字錫功號硯秋儀徵人道光十二年順天舉人  
 二十年進士改庶常授編修二十三年分校順天鄉闈  
 二十四年典試河南補山東道御史掌京畿道京察外  
 用任山東兗沂曹濟道升按察使咸豐四年粵匪竄踞  
 連鎮奉檄馳赴陵縣防堵在事年餘守禦嚴密邊境獲  
 安以功

賞戴花翎升布政使

轉太常寺卿遷宗人府府丞署兵刑兩

部侍郎十一年視學福建兼署巡撫差竣回京遺疾卒  
 年五十五弟思綬字慎功諸生援例分發山西官榮水  
 縣知縣卒於任狀略

劉寶楠字楚楨號念樓寶應人父履恂乾隆五十一年  
 舉人大挑二等用教諭改國子監典簿著有秋槎雜記  
 一卷義迹山房詩稿一卷寶楠道光十五年舉人二十  
 年進士任直隸文安寶坻固安元氏三河知縣文安境  
 內各莊隄歲久失修屢致潰溢寶楠履勘一律興修嘗  
 夜冒雨至大城助修固獻等隄堵塞演馬莊隄工決口  
 在縣三歲皆獲有秋官元氏時境內蝗蝻大作延袤二



十餘里寶楠分設三廠自捐銀千餘兩買捕淨盡歲則大熟官三河時值東三省兵過境舊時兵車皆攤派里下寶楠謂兵多差重非民所堪遣往通州以民價僱車應役民以無擾在官十六年衣冠樸素如諸生時嘗以明末史公可法守揚州死難賓僚士民從死者多未附祀乃編考史志共得官弁五十九人鄉官士民一百八人婦女二百三十八人又議修建寶應祀典以漢二烈士祠之東偏改建祠堂中爲崇報祠祀大吏左爲遺愛祠祀令長右爲先正祠祀鄉先生又議請修理江都郝太僕景春蕭孝子日曠祠釐定揚郡八屬鄉賢名宦祠祀並見施行先世手澤遺文軼字皆輯錄梓行鄉先達詩文著述亦哀錄數百卷著有論語正義釋穀愈愚錄漢石例文安隄工錄勝朝殉揚錄寶應圖經寶應文徵詩事劉氏清芬集清芬外集家譜傳稿韞山樓詩文集各若干卷卒年六十五入祀鄉賢祠家傳

汪和字雲叔儀徵人舉人錚子道光十五年舉人議敘知縣任山西榆社縣榆社山僻邑士多健訟和勤於聽斷無留獄月集生童課以文藝捐廉給膏火士習漸端道光二十六年咸豐八年鄉試分校得士稱盛課民種榆柳數萬株俾以其息抵納地丁調補河津知縣邑患



盜及投井之案和立十家更並論各鄉添設井蓋盜乃  
屏迹民鮮輕生歷署靜樂太谷靈邱榆次絳縣各縣皆  
有政聲調襄陵知縣升用同知加運同銜以年老乞休  
卒於家

行狀

汪廷儒字醕卿儀徵人道光二十年舉人二十四年進  
士改庶吉士授編修二十六年典試江西咸豐元年分  
校鄉闈胥以得士稱生平友愛篤行有族弟廷儀少失  
怙恃依廷儒爲生待之如己弟居鄉以郡中節孝年久  
湮沒請建祠坊又爲合郡匹友刊古今文傳世名廣陵  
思古內外編自著有延月軒古文鈔知菜根味軒詩集

年四十九卒於京邸子有泰庠生

家狀

朱栢字梅菴高郵人道光二十年舉人二十五年進士  
授戶部主事三十年以疾請假歸先是知州左輝春增  
脩州志延栢纂輯後因南河裁併議修隄工當事復延  
董其事勤勞迭著咸豐十年籌堵小六堡壩工次春合  
龍保加知府銜栢爲人明敏伉直於人不設城府處事  
心精力果能見遠於未萌所爲詩古文辭議論瑰奇有  
關風化制藝朗潔堅凝卓然名品主講珠湖書院數年

卒年五十九著有菱蕩閑漁詩文集

新採

蔣照字蔣村號文若甘泉人以優貢生中式道光二十



年舉人揀選知縣咸豐六年湖北巡撫胡文忠公調辦糧臺參畫軍務悉中機宜歷任繁劇有聲保薦以知府用

賞戴花翎

同治元年署荆門州事明於聽斷案無留牘訪獲痞棍悉置之法乃示諭曰民害不除牧之責也國賦不完民之責也吾為爾除害爾毋使我為催科累果不三月錢漕全完京山鍾祥皆毘連荆界捻逆窺擾乃勸督紳士補城垣備礮船添義勇賊知有備不敢南渡又為鍾荆二屬附郭疏河建閘啟閉通漢水以興水利工甫興而卒州人為之罷市卒年五十有九三年入祀名宦祠

狀行

曹丙輝號俊三甘泉人道光二十九年拔貢授七品小京官分兵部學習咸豐二年中順天舉人三年乞假歸里值粵匪陷城奉親居鄉時皖撫福濟檄佐戎幕皖當四戰之衝其捷柘皋復廬郡及巢無為諸州縣籌策之力居多游升主事員外郎擢知府七年分發山東大吏知其能委以營務以防守省城功

賞加道銜

充沂曹賊匪充斥復屢加剿克殲賊於淄川東昌沂州白蓮池等處

賞戴花翎

加運使銜同治二年署東昌府初下車招集流亡捕



搜賊黨鄰境逆首王振聲潛謀應賊偵所在擒斬之郡人驚爲神時巡屬邑問父老病苦增書院膏火不踰年百廢俱舉三年補授東昌府大河以南捻匪出沒無定河北州縣恃河防以爲固丙輝每聞賊警輒露次河干扼守四年六月冒暑嬰疾卒年僅三十有八得

旨照軍營病故例賜卹

贈光祿寺卿入祀名宦祠弟燁同治二年進士官翰林院

編修

狀行

程祥棟字小松泰州人工文詞賦筆尤華瞻以廩貢生從軍黔中歷著戰功由知縣同知洊升知府加道銜

賞戴花翎

歷官四川新繁樂山江津知縣在官廉能多善政倡

舉團練尤得民心任新繁時建復東湖書院刻有東湖草堂賦鈔及醫書數種重輯洗冤錄流播川中年逾七十告歸思以餘俸建宗祠義莊病亟未果行遺命屬族

人成之

新採

殷如璧字連夫號笠漁甘泉人由縣丞保升知縣歷任河南孟縣舞陽陳留杞縣南陽等縣爲治以鋤豪猾恤鰥寡敦勸農桑表章節行爲急務尤喜講求水利舞陽自澧水決隄數十年未堵築如璧尅期鳩工四月而畢地盡涸復畝收數倍省垣開惠濟河道經陳留到任彌



月悉爲挑濬又疏通伊水睢水等渠水患盡除邑人感  
之名其渠曰殷公渠同治九年補陳留縣調任南陽所  
莅各邑皆兵燹災歉之餘興利除害事無不舉以積勞  
致疾卒年四十三入祀南陽縣名宦祠行狀

黃昌輔字虎卿江都人咸豐元年舉人四年以知縣揀  
發湖北值漢口武昌相繼失陷軍務倥偬五年委署嘉  
魚縣七年調署應城縣先後在任鋤奸禁暴著有膽略  
嗣署荆門直隸州遇事整頓百廢俱舉九年升安陸府  
同治元年調武昌府疊權道篆十一年補鹽法道十二  
年署按察使旋署布政使十三年七月卒於任年五十

七生平事繼母盡孝居官勤幹患難疊經身後蕭然僅

遺一子尙幼家傳補採



續纂揚州府志

卷之九

五

續纂揚州府志卷之九



